



手寫

| |
|-----|
| 4 |
| 1 |
| 753 |
| 9 |



門 4
753
卷 1

壬寅新民叢報全編

中國近事第十五

○兩宮召見情形 當兩宮回京時。太后自入正陽門便哭。直哭入大內。文武大小臣工以次召見。太后去歲之亂。皆因我誤聽人言。以致上危宗社。下害生靈。至于棄邦爾等而去。非我本意也。言罷大放哭聲。殿上殿下同聲為之一痛。悲止。又曰。我與汝等皆從憂患中更生。不容須臾忘也。此次歸來。要勵精圖治。但我年已衰頹。汝等相助為理。當與者與。當革者革。破除一切情面。勿徇于往日之積習。而圖目前之苟安。戒之。戒之。嗣後每召見臣工。必哭。臣工除痛哭外。無敢發一言進一策者。某日召見滿漢御史。言及去歲之亂。歸咎于端剛。忽有某御史率爾對曰。剛毅為國而死也。真得大清忠臣。太后默然良久。曰。我年近古稀。精神大不及曩日。擬與中外臣工參酌應行事宜。俟政務稍見就緒。便退處深宮。聽皇帝自為之矣。

○召見使臣 十二月十三日。皇上召見各國使臣。各公使朝見時。均以國書呈遞。并依照和議大綱所定章程。在乾清宮覲見。各公使與參贊等。由大清門入紫禁城。乘坐大轎至午門而止。由午門再換肩輿。直至宮門。各公使夫人以二十三日召見。其時太后感極。流涕歎。皇后亦在座陪宴。太后并贈賜各公使夫人以珍寶等物。

○太后知悔 太后在西安時。每對人言。或對皇上言。皆曰。此事不必說。皆是吾二人之過也。比入京召見臣工。則曰。此我一人之過。與在西安時不同。

◎會議和約 十二月十二日。兩全權訪俄使開議俄約。王云。兩宮以此約宜從容商定。不可貽後日患。及啓各國之忌。俄使云。現在四款與前相李氏議減再四。一切皆從貴國之意。可即畫押。無須再行開議。王云。本大臣初到京師。李相會議之事。概未與聞。俄使云。中堂既在政府。李相所議。焉有不知之理。王云。李所議乃草約。不得據為定議。本大臣即欲照此定約。其如朝旨及各國不允。何。俄使謂此中俄兩國交涉之事。何與他國中堂之意。果為中國計乎。抑為各國計乎。王云。此事雖中俄兩國交涉之事。然關係全局。各國自不能無辭。願貴公使從容商定。祇須毫無窒礙。本大臣決不固執。俄使乃謂慶王曰。王爺前允。俟河南回京即定約。今為時已久。何尚未定。慶曰。本王深盼即定。其如練兵交路款中。附款殊多。妨碍國體。兩宮亦不謂然。臣下亦不敢據定。刻下願將前約議刪附款。本王當與王中堂請旨酌定。言至此。俄使不悅。舉茶向慶王曰。請王爺與中堂會商既定。再來會議可也。

◎奏請歸政 慶王嘗面奏太后。謂在京英日各公使極敬皇上。必欲一觀皇上親政。願懇太后即行歸政。以順輿情。

◎懼防各國 京師自午門至天安門。袁世凱之軍五營分段駐紮。張勳為總統。又分統四人。每日駕往太廟及各壇。此軍必隨之。在約尾班後。兼奏軍樂。必俟午門閉後。乃行收隊。又宋軍亦已調回京師。分屯城內。蓋皆所以防各國也。太后畏各國之心可知矣。

◎大阿哥廢黜之由 大阿哥薄備破廢。聞非太后之本意。係慶親王李鴻章袁世凱三人力請。太后速行罷黜。三人者。太后所最信任。是以不得不從其請。

◎公擬保獎 留京辦事王大臣。因去歲未出京各員。于充鋒冒鏞之際。仍復極力從公。實屬專心盡職。現在公同商約。擬將初立辦事處時。首先報到者。列為優等。至柏靈寺當差各員。皆照異常勞績列敘。

◎設計除董 一日太后詰榮祿云。董福祥與端均結。當何以處之。榮乃令某觀察先行設法去其兵。而後圖之。某觀察者與董舊為莫逆交也。往謁董。董疑其圖己也。勿之見。後因某營官先容。乃見董曰。去年之事。非我所主持。且端王屢嗾我反。我已屢却之。我實不負朝廷。朝廷但留我殘生。雖終身不用可也。某觀察曰。聖德如天。公毋他慮。但國債日增。爾果不負朝廷。何不自請裁去兵廿營。董其時尚帶二十八營。一則免人三疑。二則替國家節經費。朝廷必喜。且我可保公無事。董首肯然。兵裁後。則必不免矣。

◎會奏誅董 袁世凱與劉張二督聯銜上摺。請誅董福祥。袁署首名。摺上之後。袁復面奏武臣誤國。宜亟正典刑。以快人心。太后聞之不語。袁曰。為太后皇上計。不可不誅董。為宗廟社稷計。尤不可不誅董。現已有密旨令陝西巡撫松蕃相機行事。

◎俄使行賄 俄使以榮祿不為己援。用是賄囑李蓮英。告以若能勸服太后。仍照前全權大臣李鴻章所議定之滿洲條約批准。俄當贈銀一千萬兩。以酬其勞。以後每年並當送銀一百萬兩。以謝之。

◎榮祿權威 軍機大臣向例有王爺為領袖。太后欲令禮親王為之。榮祿阻之。又以慶王無肩任之才。故軍機領袖。仍是榮祿。又榮祿之女。太后已指定與醇王為妻。榮祿之權。比前更大矣。

◎請黜榮祿 英公使前請將榮祿罷黜。太后特密遣袁世凱。婉告英使。以榮祿並無不良之舉。該使儘可勿慮。但英使堅持前議。擬俟召見之日。再行當面參劾。

◎索辦罪員名單 近日各國駐京欽使照會中國政府請將去年曾助端王附和義和團匪各員嚴為懲辦各罪員銜名列下 一兵部侍郎貽穀因偽傳上諭致盛京都統晉昌與俄人開仗 一軍機處章京連文冲因偽傳上諭命華兵攻擊天津租界並圍攻北京使館 一內閣學士蕭榮爵曾助連文冲妄擬偽諭 一內閣學士高慶恩與徐桐聯為一氣 一候補知府黃鳴岐曾充義和團老師 一吏部主事洪嘉興曾勸端王登九五之位及焚燒使館教堂 一刑部主事夏振武曾助洪嘉興為惡 一溥良曾上摺請殺許景澄等 一內閣學士檀機曾助溥良為惡 一湖北候補道黃嗣東因請于蔭霖攻殺漢口之洋人 一內閣學士胡祖蔭俞鴻慶二人曾帶領拳匪頭目二十餘名至湖南擬攻劫岳州租界 一刑部主事郭宗照吏部主事葉德輝等曾助胡祖蔭為惡 一候補道張祖同學士孔憲教等曾助胡祖蔭為惡以上各員以貽穀連文冲二人為罪魁

◎貽穀倖免 貽穀為某中堂最得意之私人一切陰謀皆彼主持某日已擬定革職之諭尚未交發彼乃哀求某中堂乃將其名抽出易以彭青黎代之按彭雖係義和團黨乃無名小輩各國所開名單未列斷難各國未索之人亦照公法辦去足見朝廷公允之意貽穀頃乃上摺請往嘉峪關外蒙古地方開礦按此礦前經胡范生中丞奏法辦去足見朝廷公允之意止相中有云臣子目擊時艱自當竭盡精力以求富國之計等語真巧于避禍矣

◎增練軍隊 袁世凱擬將陸軍增練十萬人合作一軍俾成勁旅業已具摺入奏俄德兩國均願派員代練該軍袁則擬聘日本武員皇上亦以該議為然

◎整頓海軍 袁世凱奏請每年籌款一百十萬兩整頓北洋海軍現葉軍門已奉命在烟台審度地方

以備其用來春各兵艦即可會齊

◎建立學堂 北京城內擬設立左右翼學堂派那桐管理又新設八旗工藝學堂已派蕭親王為督辦

◎派充要職 北方各處鐵路項簡派袁世凱為督辦胡燏棻為幫辦實則但歸胡一人經理王文韶亦已奉派為督辦路礦事務副之乃張翼也

◎派充管學 張百熙派充為管理京師大學堂同文館隸外務部已三十五年其經費向由海關撥解並亦歸併大學堂以期劃一

◎簡派專使 政府本定簡肅王為專使赴英賀英皇加冕之禮嗣因不能分身是以另派慶王世子溥振為代

◎藉慰忠魂 袁祖徐用儀許景澄立山聯元五人因義和團事而被刑于菜市去年曾有上諭昭雪其寃并開復原官并復令王大臣查其子嗣將與恤典且立專祠並與謚法蓋以掩各國人之耳目也

◎諭令進京 頃有旨令劉坤一張之洞兩總督北上劉坤一着其子白河解水後起行張之洞着其俟劉坤一歸任後起行

◎擬逐東撫 山東巡撫張人駿抵任之後每與該省西人不甚愜洽頃德人已電外務部不要彼在山東為巡撫

◎意使索地 頃意國公使到外務部與慶王會議索租三門灣之地

◎奏請派員 商務大臣盛宣懷頃因政躬不豫不能躬親辦事于日前電請政府另派他員辦理條約

事宜

◎商約條目 盛宣懷氏與英使會議商約已有數次。所議共有十四款。(一)進口稅則。(二)出口稅則。(三)鐵路(四)內地行船(五)洋人長住內地查探商務(六)開礦事宜(七)裁釐金(八)重訂新衙門章程(九)鑄造銀錢以歸劃一(十)各洋行內招華股東新章(十一)增廣棧房以便多存貨物(十二)已進口之貨重運出口章程(十三)領回半稅新章(十四)特設一局俾可了結洋商與海關辦駁情事

◎電傳要論 二十五日北京來電云現發上諭許滿漢通婚令婦人不纏足又命宗室及各員子弟出洋遊學榮祿上表乞休上諭言為朝廷所親任不允之

◎滿洲新約 駐華俄使近又另擬新約稿底交與兩全權大臣按約中大意不論何時如中國欲在滿洲振興商務工藝所用之款須由道勝銀行出借他國不得干預并云此舉實與中俄二國商務有益而與他國利權無碍且如能從此新約則前者所言欲得滿洲鐵路利權一節即可作為罷論一年內并可將滿洲駐兵撤退英公使聞之向人云俄人雖改約章依然有名無實如竟照辦一則中國土地必不能完全無缺二則與他國在滿洲貿易利權大有關碍故現在英公使力行抗拒并勸兩全權大臣云如中政府允俄之請則英國所要素者必較俄為大美日兩國公使意見相同故亦力拒劉張兩總督亦聯名直奏政府云如允俄請則中國必將從此瓜分不可挽救矣凡有關涉約章之事無論鉅細應與英美日三公使商議後方可定奪云云

◎密函照錄 俄公使頃致密函與兩全權云北洋練兵事宜前大臣與前全權大臣李訂有成約不准

他國干預茲聞貴國政府現有聘請日本兵官代練北洋新軍之事本大臣不勝詫異查前項成約敝國政府為貴國保護自主不使他國侵佔起見今此事如果屬實有背前議本大臣斷難默爾而息即使果無其事何以中西各報言之鑿鑿本大臣于中俄兩國交涉事宜苟可委曲設法無不推誠盡力以期慎固邦交近觀貴大臣所為實有未能滿意者此事關係全局是否確實即希切實照覆萬勿延遲云云兩全權覆函云接誦來牘承詢及北洋聘日員教練新軍一節敝政府並無其事實係各報誤採風聞無據之談率行登載殊不足信至北洋練軍係為拱衛疆疆彈壓匪餘黨起見並無他故貴大臣幸勿輕信謠言致啟猜疑本大臣等遇有兩國交涉事件深感貴大臣和衷商辦委曲周旋實敦睦誼惟本大臣等一片苦心似亦應為貴大臣所深諒所謂近今各事實有不能滿意者果何所據而云然耶尚希貴大臣始終如一勿為流言所搖不勝感盼云云

◎條陳新政 直督袁世凱近上條陳洋洋千餘言其大旨如下(一)政務處應聘六國碩學士為顧問官(二)外務部須用曾出洋與外省辦理洋務之幹員(三)用人不拘官階資格以實心辦事即為合格(四)裁京內外冗員(五)派王公大臣出洋并招回出洋學生之得有文憑者量才錄用一面另行咨遣有志之士出洋學習聞此條陳曾送至政務處大臣以為茲事重大非一人所敢擅奏袁遂親遞于太后皇上前太后皇上深以為然即諭政務處大臣詳議辦法

◎籌款興學 某京師條陳各省創建學堂為造就人才之地他款皆可緩籌此款則宜速籌善款既不易尤當實事求是不可徒負虛名其附片有云造就人才必自教習始所有各督撫保薦教習皆須令送

部引見經朝廷甄別以定其高下該教習既不敢存詭遇之心該督撫亦必懼懼濫保之咎也

擬辦房捐 聞五城御史日來會議以國債每歲一償善款為難擬具公摺請援廣東江蘇兩省房鋪捐例通行京師以至各省惟此事必先清查一過清查之人須慎簡才具明敏操守廉潔者方可免中飽之弊所有創設捐局及委員薪俸另行籌款不得動捐項分文果能實事求是涓滴歸公行之一次便可將國債清還滿漢御史意見相同摺稿已定日內即上聞矣

阻止進京 俄使以朝旨命江鄂兩督進京恐于東三省之約或有不利乃言於英美各使曰中朝召江鄂二督來京者實因去歲揚子江互保之舉中朝深恨之欲誘令入京重治其罪也英美兩使大為所動亟向袁世凱聲言若召劉張入京恐於南方不利請即罷此議倘不允則天津必不交還鐵路亦不歸諸中國袁言于朝廷遂寢其事

交路近信 英人掌管京津鐵路本擬西正月間交還中國現聞英人不願交還之故仍執俄人先交關外鐵路然後定議並有由俄交英由英交華之說

允還天津 交還天津一事各使已允西四月初然屆時此說有無變更尚未可料
召見翰林 客腊皇上召見翰林院諸人時太后即先引過自責旋即勉勵諸翰林當讀中西有用之書皇上亦言中西之學必求其通太后並言去年若非拘泥不化何至釀成如此大禍今後切不可泥古不化總以通達時變為第一要義云云
擬裁官吏 聞九卿衙門議裁所有大小九卿統歸六部仿外務部例行之大者視左右丞小者視左

六十七批到

右參議國子監改為文部翰林院改為學部漕督亦在將裁之列又聞擬將通政司詹事府大理寺太僕寺四署先行裁汰

條陳再誌 直督袁世凱近又具奏朝廷謂逢每年新正宜召各督撫入京俾得與皇上面商一切應行各要政且常年聚會一次各督撫漸見親密可免畛域之分
董軍可慮 陝甘總督雷稱董福祥所部之兵各懷新式軍械在甘省北方一帶肆意劫掠殊屬不測大為可慮

俄習滿文 俄人現在滿洲各處開設學堂學習滿洲語言文字茲已到處聘訪精于滿文之人以備聘充各該堂教習之用
心無更迭 山東巡撫張人駿前因該省鑛務與德人有所交涉德政府致電外務部要求不准其在山東茲聞有張人駿轉任山西巡撫岑春暄轉任山東巡撫之說

酌提捐款 順直秦晉實官捐款所收不下一千餘萬兩今戶部因庫款支絀無濟要需擬于順直秦晉捐款酌提二成實銀解部至官紳獨力報効鉅款亦一併全數匯解聞已奏准飭各省辦捐處照辦
再興捐納 政務處有人言目下款項支絀籌措為艱捐納實官之例今年仍當再行極遲亦在一二

◎誌工藝局 陳璧已遵旨在京城設工藝局。聞辦理已有端倪。又聞擬在北城設一速成師範學堂。以備將來各州縣開設小學時可延充教習之任。

卷十五 中國近事

五

◎擬辦彩票 雲南督糧道前遞條陳于慶邸。請辦彩票。兩宮歸京。慶邸即為面奏。太后已俯如所請。聞匯豐某英商力任其事。已托香港總督轉電英政府為之主持其間。

◎條陳兩誌 侍郎那桐近上條陳。言戶部應聘他國人之深于理財學者為顧問官。以專管度支。胡燏棻亦上條陳。請在北京設立工巡局。已派員向上海調查工部局章程。如法辦理。

◎安求商約 聞英人與袁督辦商約三事。必三事定而後鐵路可交還中國。三駐紮鐵路之英兵。須派妥實委員竭力保護。遇有英商往來。亦須加意接待。三匯豐所存款。及將來存每月進款。或應清結。或另訂章程。皆宜于此時言明。三貨棧歸英人管理。中國不得把持。帳目英人主之。中國亦無庸另設帳房。

◎阻止使臣 致賀英皇加冕使臣。自簡定慶邸世子載振後。聞即得英外部來文。以載振年輕資淺。不肯接待。須另派王大臣前往。

◎奏參赫德 劉張兩總督近致電外務部奏參總稅務司赫德。其大意謂赫德不應管理內地郵政。以及常關。并指斥其種種攬權等事。

◎新約全錄 前號所載俄公使近提出滿洲新約。交與兩全權。並得其全稿。并兩全權駁議。為錄如下。案此約稿即第四次者也。第一條大俄國與大清國捐棄前嫌。特立一永久之新約。所有東三省俄兵佔據之地。一律歸還清國。該地方所有自主權利。俟歸還後。仍聽清國自治。惟與俄人有妨者。俄政府仍

千九百零一年。所有駐紮遼河一帶。及盛京西南各處之兵。先行撤退。其一千九百零二年。奉天盛京各處之兵。全行撤退。一千九百零三年。俟中國北方無事。能自守護。再行撤去吉黑兩省之兵。第三條大清國在東三省留守兵額。不得于原額外無故增添。所有需增兵數。該省將軍須與俄督酌定。不得私自增添。每添一兵。東三省自治之權。仍由中國官吏管轄。惟須力任保護俄人。及不准華兵與俄兵齟齬等事。第四條大俄國將山海關至營口一帶鐵路交還中國自行管理。惟清國須按照所辦該鐵路章程辦理。不得添築支路。及展長原定之線路。不得已增設綫路。須與俄政府商定再辦。一去年至今所有保護修理鐵路之費。應由中國償還。一此次鐵路中國須自為保護。不准他國兵隊駐屯。一不准築橋過遼河。一管理之法。照一千八百九十六年英俄所立和約辦理。兩全權駁議如下。第二條退兵限期。駁云。去歲折毀鐵路。本為亂民所為。既言歸于好。自當歸俄國保護。豈貴國驟不退兵。別有深意乎。第三條額外練兵事。駁云。練兵為自強計。非專為開邊衅也。豈可預定以額。貴國無日不練兵。何獨使俄國缺兵。不敷調遣。安能保護。第四條山海關鐵路不准建築支路。及展長綫路。駁云。西比利亞鐵路。貴國自主之。山海關鐵路。俄國得以自主之。不得混而為一。又議及商約。商約指東三省路礦言。原議只許華俄銀行承辦。他國不得干預。兩全權亦駁之。駁云。東三省既交還中國。凡中國人皆可辦。中國商人亦可辦。中國國家更可辦。何必定出自華俄銀行。即以銀行名華俄論。是華俄皆有自主之權。俄人不得獨擅其權也。總之李公已死。今日談公約。不知有密約。密約必與人口實。我先無以自立。公約可告天子。可告友邦。如貴國不願歸我土地。亦不妨明目張膽言之。無庸費唇舌也。于是俄

六

使曰且電致本國政府俟回電時再定云云

◎俄人讓步 俄使與兩全權會議之後即請訓于其政府旋聞已有覆電甘為退讓凡滿洲兵制兵數俄人皆不得干預營榆鐵道管轄之權亦讓還中國又滿洲撤兵之期言明定約三箇月即撤盛京之兵吉林遼東三個月黑龍再遲三個月大約和議定後不過一年主權可全收復矣

◎太后懼外 太后心中終懼外人夜間偶聞砲聲便問云莫是交民巷館各公使處而其于近支王公交接外人者則固聞而惡之也

◎紀大學堂 北京大學堂章程以前均係某公所擬茲聞督辦張百熙將前章大為更張額數廣開至五百餘名並擬俟二月後即行開考華文總教習已聘定吳太史汝綸吳初辭之再三後有旨賞給三品銜為大學堂總教習吳乃肯就

◎紀政務處 政務處人員近稍有更動且聞定議自諸大臣外設提調二員為陳邦瑞郭曾忻幫提調一員為陳璧總辦四員為于式枚徐世昌孫寶琦鐵良幫辦二員為汪貽書嚴修

◎條陳練兵 直督袁世凱曾條陳練兵事宜大要如下(一)改兵制擬用通國皆兵之法設豫備後備民兵等兵額(二)各省設練兵各府設團練(三)北京武昌兩處設陸軍大學堂聘德國日本將弁為教習(四)北京設軍事督辦處專管全國練兵事宜奏上奉旨交政務處妥議

◎電詞嚴峻 劉坤一有電致全權大臣詞甚嚴峻頗類教訓口氣其意皆言不得利權外溢致虧損過多將來無以對天下後世

◎紀自強軍 自強軍聞擬改名并變通舊制改歸袁慰帥節制以一事權

◎會辦商約 盛宣懷前因病勢甚重經手商稅事宜責任重大恐誤要公電奏懇請開去商務大臣並請另簡大員前來接充故朝廷有特派呂海寰會同辦理商約之諭

◎查辦要件 兵部尚書裕德前往蒙古查辦事件茲悉此案情節重大蓋緣蒙古某王初以服毒身死申報繼聞其為僕人謀害故特派大員研訊所帶隨員本衙門二人刑部一人理藩院一人

◎姜軍紀律 姜軍自去歲入京以來捕務嚴明盜賊為之斂跡近因差役浩繁擬欲出都駐紮誠恐地面不靖故已微調他處所駐之隊前來填駐一面入奏朝廷

◎德官抗議 在津各國洋商已向駐津各國統兵官商請謂照和約辦理此時似應撤兵各兵官均允照辦惟德兵官獨行抗議

◎交路有日 京中官場消息稱直督袁世凱來文言月內英國可將京津榆鐵路交還中國京榆鐵路即派會辦胡燏棻接收至蘆正鐵路由法人保護者亦一律交還中國自行管理聞係派孫鍾祥管理局

◎索礦彙誌 俄商六人近已集股擬在黑龍江某處開採金礦已經俄使請諸中國現各該商專候華政府批准並聞另有俄人甚多均欲謀在該處開礦又意大利欲承辦浙江全省礦務經有人為之說合政府業已允准惟章程尚未商定又聞德使近逼請外部將山東礦利數處全任德人獨辦每年所得以十分之七納交中國政府

粵漢鐵路 近聞粵漢鐵路即將開辦且美公司並未將該路全股售與比商一切仍歸美公司主政其資本現已集成存交銀行公司中之總辦當于西正月由美起程前來籌備一切以便即行興工該路計長七百五十英里若併各枝路合計則當有九百英里按照中國與該公司所訂之合同內載中國政府當立券據四千二百五十萬元交美華鐵路公司收執其券係作金元折算每年行息以五十年為期至該路所需各項之材料應向美國購辦云

商埠將開 聞安徽之安慶湖南之長沙常德不日當開作通商口岸

滇粵不靖 雲南廣西兩省現有裁兵及徒犯等共計一萬餘人連合起事勢甚猖獗

大哉皇言 聞日前有人面奏英日聯約于兩宮者太后以為此亦好事或可為將伯之助皇上曰此非吾福也我不自強英日其肯為我助乎

直督密奏 東報載直督袁世凱于正月十日繕具密摺一道痛陳英日協約有關中國大局及中國將來之施政方針其大意如下竊據風聞英日兩國政府因思保全中韓兩國主權及通商貿易各要務特聯鞏固之盟以資輔厥約內大旨謂同盟之國如此國陷兵禍彼國當守局外中立之例如與某國交戰時于聯盟國大有障害則彼國當操干戈為聯盟之應援云云臣愚以為英日兩國此次之盟必因制服強俄起見并思阻撓法國助俄之勢力也蓋就兵力以觀東洋陸軍以日本為最西洋海軍以英國為最一日有警日本可于瞬息之間調集陸軍以壓亞洲大陸之全境而海軍則又與英國結合雄峙海上得東洋諸要港以據之則歐西列強必無容足之地是誠為各國之隱憂抑亦國于東亞者之所宜戒懼

也英日兩國雖以保全中韓為名然其所企圖惟在自利而已豈真能靡財力費精神而為我國強乎故兩國之聯盟不必即謂為有利于中國也夫國于今日之地球上者要在兵力財力二端不待言矣以本國之土地必藉他國聯盟以保全之恥辱孰甚欲免此恥辱惟在變法自強練兵裕財固我疆土必使一國防禦之事皆藉本國之實力他國聯約一無可恃臣深望陛下勵精求治以自振拔也雖然英日兩國之期望有與我中國適相吻合者如寸地尺港不得割付他國之類是也此亦因其商利起見特托此以自戒耳要之中國處此艱難之局必一面行新法以自強明教育以自衛一面藉兩國聯盟之勢乘勢利用之是為中國目前之第一政策矣云云

急催變法 聞直督袁世凱面詰政務處諸員曰政務處為變法而設也今諸公尚不速籌變法欲何待乎某員對曰正在商量袁曰今何時而尚以商量二字搪塞耶恐國家岌岌不及待君輩商量矣

翰林笑話 聞有翰林若干人聯名呈請堂官代表略謂江鄂各督奏議擬遣學生赴日本學習小學中學師範及由駐日使臣轉托日本參謀部文部陸軍省代我籌計酌擬大中小各學各種速成教法以應急需等事皆與中國體面有損中國進士舉貢不下百萬人不求學堂教法于日本實為中國之大恥去云堂官躊躇再三將原呈擲還批云既不如此人又不服善實屬無恥之尤即飭勿瀆

推廣銀行 聞近日政府之意在推廣銀行為急務其辦法章程與夫行用鈔票大約同中國通商銀行

募軍確信 聞袁世凱擬將部下全軍悉數調至畿疆為拱衛神京之用擬大名駐札四營正定四營

餘各分札近畿山東地勢空虛則另由東撫招募四十餘營共二萬人以實營伍

◎直督舉動 開直督袁世凱在保定廣開學校平治道塗擬招新軍四萬人于三月招齊備練極力為之惟恐不及至所用款項即前奏捐所得之一百萬

◎阻派遊學 現駐日本欽使蔡鈞氏近嘗致電入京請勿派學生前往日本學習蓋防其沾染自由習氣聞慶親王並王中堂等業已電請江督劉坤一依從前議

◎甘肅亂耗 聞甘肅地方大有不靖之勢聲言董大帥欲仍與外國為難附和日眾已成星火陝甘總督暨固原提督于前月十五日曾電知軍機處矣或曰甘肅民情久已蠢蠢欲動此番又擬裁撤鄧軍風說益甚故點者乘間即發而政府得電後即令緩裁鄧軍勿致張皇滋事云

◎俄約述聞 聞俄人已有成說所有東三省五金礦產俄人將來當會同英美德法四國公辦以應利益均霑之旨已派呂海寰盛宣懷兩氏參酌各國情形妥議具奏又以俄人與李文忠楊侍郎皆有密約故命李文忠公子經邁隨同慶親王往見俄使相助為理並命楊侍郎之子在俄京候俄政府簽字如有異議即行電聞簽字之後東三省便可交還中國或云經邁亦須至俄與前俄使格蘭斯商議一切至日本將來有無異議政府已不暇計及矣

◎俄使之言 聞日前俄使晉謁慶邸談次極言西藏喇嘛應聽其為自主獨立之國按去年俄人曾以頭等公使之禮接待藏使今又坦言之其意何如蓋可知矣

◎俄人恫喝 俄人現因滿約特為恫喝之詞謂中朝若不將滿約辦理妥當俄雖不強逼然萬一因此

而有碍于英日兩國之處除戰爭外更無別策是中國必至自招滅亡而後已

◎俄營煤礦 聞俄國于預算費內特備一百五十萬羅卜開辦齊齊哈爾煤礦之用然聞中國政府因俄人欲在滿洲開礦據為一己之利已力拒甚決

◎俄人要求 俄國現要求中政府諸將願用英日兩國員弁裁減人數至所索牛莊鐵路之賠償款仍須增加一百五十萬兩

◎都署難裁 天津都署雖喧傳限至西歷四月一日裁撤然據傳聞謂此次駐京各使臣與袁世凱會議都署存廢一節袁雖主裁撤之見甚堅絕無氣餒然不料從前力主裁撤之各使臣今亦一旦翻然改悔且因英日聯盟之舉既定此後東亞變態如何未可逆料故皆力主維持並聞決定此後最少亦須續辦一年蓋以會議時英德兩使力反裁撤之議持論尤烈

◎議開東礦 前報載駐京德使有請外務部許給德人在東省開辦其礦地利權而以礦中出息十分之七付與中國政府一節茲聞德政府實無此意不過有在東省之德國礦務公司曾于一千八百九十九年索取山東礦利數處現該公司派有人員兼得德使館之助會議開辦該礦事務惟此事尚難議定因東撫向之索取稅銀公司非特不允且欲將舊有礦地亦不照納之故並恐德國若成此議則將來各國在中國開礦之事皆獲利益矣

◎天津問題 聞各使臣于天津之議當由全權大臣照會不當由北洋大臣索還并云全權須各國送一照會誰願撤兵則可先行若只照會一領銜公使必須彼此會商一國不願則牽動全局故全權現正

議致送各國之照會云

◎交路無期 聞內外鐵路前有交還中國之說。現得實在消息。英國尚無交還之議。並聞掌管鐵路英官已于日前將各局理事華人多定以六個月合同。並優加薪水。俾得安心供職云。

◎親王忠諫 聞慶王屢以民窮財盡之說苦勸太后。其諫謁陵有云。能保祖宗付託之重。即不謁陵亦無不可。如必欲謁陵。不妨派重臣致祭。何必親往。太后曰。我欲將年餘若哀。哭訴于祖宗。非他人所及知。亦非他人所能代也。其諫順和園有云。今非昔比。當以振興政務示外人。不當以般樂怠教示外人。太后曰。我何嘗不圖振興政務。榮祿從旁曲為之詞。慶王猶力阻。太后不悅。曰。汝與我是一家人。奈何不及別。的慶王默然退出。以故慶王近來慈眷稍衰。刻下軍機大臣中。勢議之大者。無過于榮祿也。

◎預備避暑 太后擬祭東陵後。即至保定避暑。現擬定將洋人已拆之蓮池。改造行宮地基。較先尤為宏敞。西南一帶新街。東面胡同。北面民房。盡行購買圈入。業定二月內開工修造。

◎聯銜參劾 江鄂兩督會同直督聯銜具摺參劾政務處。謂該衙門自奉諭創設以來。迄今並無成效。殊失朝廷設立之本意。

◎會奏新政 劉張袁三總督。近會銜奏行新政事宜。該摺已由御前大臣肅親王善耆代呈。其要領如下。(一)招考遊學生二十名。分派日美英德四國學校內肄習專門之學。(二)凡從前游學生得有各國學校證書者。皆破格錄用。(三)招聘日本陸軍官一名。訓練海陸兩軍。(四)天津武昌兩處應新設製造局各一所。(五)通國錢幣之制。應歸劃一。(六)嶺山鐵道。航河各處。須另設刑律。俾外人不得藉口輕重。(七)嚴禁貪墨。仿

行印花新稅。即于稅內抽出若干。為津貼官吏之費。(八)通國設立郵政局。以便官私文書。尅日往來。

◎城禁甚嚴 京師自聯軍至後。紫禁城經日本兵保護。不令常人擅進。其餘如大清各門。則成虛設。自兩宮回鑾後。門禁又復大申。大清門仍于晚一鐘時開。准入不准出。即玉河橋經洋人所開之豁口。夜間亦只准洋人出入。至內廷門禁尤為嚴緊。四圍駐有軍軍教習。晝夜梭巡。各門亦有常兵長川宿衛。凡內廷供差以及軍機各衙門。當差吏役。皆給有印憑。出入查驗。否則按例懲辦。

◎滿約簽押 聞滿洲之約。已議有端緒。將定于三月一日簽押。大綱共分四節。其一。俄國現在駐札盛京省之兵。於簽押日起。三個月內盡行撤退。吉林一省之兵。則于六個月內撤退。黑龍江一省之兵。則于九個月內撤退。其二。則以後俄國不得干預中國軍政之事。其三。如中國欲向他國借款。以開礦務。則必先通知俄國。其四。則牛莊之鐵路。俄國接到中國所賠該路修理各費之後。即行交還中國。

◎相機圖董 董福祥所部甘軍。雖經奉旨裁撤。實仍留為己用。前有電旨命陝督飭令董福祥前赴蘭州。以便約束。該督旋以董福祥抗不赴蘭。入奏。已奉密旨令其相機行事。勿得聲張。

◎改習槍砲 聞前月兵部曾具奏。請將陸營武職堂考軍政改習槍砲。倘軍政期促。准其奏請展限。其八旂武職。應否改習。請旨辦理。又奏引見人員。請飭各省改習。俟爛熟後。咨送。旋奉旨。八旂武職。仍考騎射。兼習槍砲。餘依議等因。故兵部已電達各省。督撫欽遵辦理。

◎請款練軍 直督袁世凱奏請朝廷撥款一百萬兩。以備訓練洋操各軍之費。

◎督辦警察 胡燏棻奉諭督辦北京警察事務。並令將轄內所屬道路妥為修理。

酌商分款。聞第二次應給各國賠款。現在尚未償付。先是賠款總數四百五十兆定妥後。各國分收之法。尚未劃一。有數國將先開各項賬目。按照總數核准減少。有數國則未將各項帳目核准。未免取款獨優。故第二次不能不籌出均平之法。現在各國政府。已電致駐京公使核奪。而駐京公使仍轉致上海收款專員查照。故駐滬專員已電商各國政府酌辦。一俟定准後。便可照數向中國分收云。

催辦新政。日來兩江督轅接奉部函。查詢江省應辦新政。何以至今遲遲未行。學堂一事。尤為當今急務。何以亦未舉辦。務請迅速開設。勿再遲延云云。

乞休兩誌。江粵兩督前因病請假。嗣以假期已滿。而政躬仍未就痊。聞兩督均擬奏請開缺。乞骸歸里。以樂餘年。聞其摺均已各自拜發云。

礦務定章。北京礦務總局。現在擬訂礦務章程。頒行各省礦務局。以憑遵守。而垂久遠。據稱意國駐京公使。已奉中朝准令開採浙江礦務。一俟總局訂定章程。即當遵照興辦。

恐侵路權。聞美公使康格君。日前會晤慶親王時。詢及外間傳說。謂中國政府以某某等處鐵路。准歸比商承辦。如果不虛。則恐有害于美商所辦之粵漢鐵路。究竟如何。敢祈明示云云。慶親王覆告之曰。所云並無其事。且我政府必不另許他人承辦新路。以碍美商利權。

海軍紀實。聞水師提督葉祖珪。特繕具清單。將現下南北洋海軍之實在情形。稟呈直督袁世凱。以便核實整頓。計巡洋艦十五艘。三萬五千四百噸。砲艦十三艘。一萬二千三百噸。運送艦三艘。四千五百噸。水雷艇十六艘。八千三百噸。合計排水量六萬零五百噸。

會議商約。改訂商約之事。盛宣懷呂海寰兩氏經與英專使薩道君會議多次。茲聞最近所議者。其要共有三款。一開通內地各口岸為商埠。二設法整頓中國國法。使歸一律。三華陽合股之事。第二第三兩事。業已議有頭緒。惟第一事。呂海寰以內地民智未開。多開商埠。恐易生事。是以駁之甚堅。又聞薩道君之意。欲將內地釐金裁去。將進口稅值百抽五者。加至值百抽十五云。

粵亂彙紀。廣西之亂。聞近日平馬電線。業被割斷數十里。平馬與泊利相去不遠。泊利向設有電報分局。泊利之南為龍州。西為百色。屬西北為平。又廣西與安南聯界之處。亦有亂事。是處多係劉永福部下之人。熟悉邊路。耕作之餘。時時行劫。法人牒蘇元春請為辦理。蘇在桂邊時。以聯絡法人招撫游勇為事。然用人用財。均無節度。已積欠軍餉至二十八萬之多。游勇等因欠餉之故。所有毛瑟快鎗及無烟火藥鎗等。指不繳還。故均備有軍火。又南甯變亂。查得實因蘇元春部勇在龍州遣散後。不將軍裝繳回。竄至關南。勾給雲南邊界游勇滋擾。又聞蘇元春奉命回防勦匪。忽然不知何往。並無下落。又聞南甯等處土匪現已蔓延。兩粵雲貴四省邊界勢甚洶洶。聞匪巢中有偽軍師郭某。熟悉輿圖。深知虛實。故匪踪所至。銳不可當。又聞廣東欽廉交界地方。亦有亂事。某司官已被戕害。經大憲派介字營往勦。該匪當即退出靈山。四處騷擾。茲聞大憲復派安勇兩營在廉州防勦。俟該匪削平後。各勇即馳往粵西營林。以資捍衛。又聞馮子材舊部。刻已與廣西土匪聯絡。故聲勢甚厲。

約文詳錄。滿條洲約項。已據所聞登載前號本報。茲復得東報所載更為詳細。合併譯錄之如下。第一俄皇以愛和平起見。欲與中國皇帝表交誼之實情。雖受俄國臣民之攻擊。亦所不顧。依然以滿洲

全部還付中國一切統治及行政之權均與俄軍未占領前無異。第二滿洲既歸中國統治則中國當確守一千八百九十六年八月廿七日華俄道勝銀行所訂之條約。照該約第五條應極力保護東清鐵路及鐵道人員且宜保護在留滿洲之俄人及其所設之事業。中國苟能踐言俄國自不列生事端。當依下列之期限撤退駐滿洲之兵一本條約畫押後六個月內當撤退盛京省西南部及遼河一帶之兵并將鐵道交還清國一保護鐵道為中國固有之權不得使局外之國干預。凡俄人所還付之各地日後不得割讓他國。一再後六個月內撤退盛京省未撤盡之兵及吉林之兵。一再後六個月內撤退黑龍江全省之兵。第三當一千九百年時華兵無故往俄境騷擾中俄兩政府自訂此約後當以此事為鑑不可令再有此等暴舉。俄兵撤退之前當令各省將軍與俄國軍務官就近議定中國應增之兵數及華兵駐紮之地位。而中政府不得於將軍及軍務官議定之兵數外另派大軍前往。華兵在滿洲者以足數彈壓匪徒綏靖地方為限。俄兵撤退後中國當考實滿洲華兵之數苟有增減當隨時隨地通告俄政府。中國如于該處調駐多兵俄人亦當于邊境添加相當之軍隊如是則徒費兵餉兩無裨益也。至于東清鐵道公司產業之地當由該將軍編成騎步憲兵以備防守。第四俄政府自一千九百年九月以來所經營之東清榆營各鐵道均當交還原主而中政府當依下列之條理一滿洲鐵道之建築及經營等當照一千八百九十九年四月十六日之英俄協商與一千八百九十八年九月二十八日之借款契約由該處私立公司承辦。特東清榆營二鐵道不在此例。一將來滿洲南部應如何添築支線營口遼河應如何架設橋梁營榆停車站應如何更改均須由中俄兩政府協議定奪。一東清營榆兩鐵道既已交還則中

國當於賠款之外另為酌賠其數應由兩國政府會議中俄兩國前日所訂諸約雖此約訂定後亦不作廢自兩國全權畫押之日始兩國均當踐守約文三個月後在俄京互換

◎ 招聘日員 政府近以變法事繁擬請日本政治家數人前來襄理政務慶親王荐舉加藤高明君朝臣中多有贊成之者

◎ 托購書籍 政府某大臣日前往見駐京日使內田康哉君請其代買日本公私各學校教科諸書約計數百部之多內田君已允為代辦聞辦至中國後即當頒發各學校應用云

◎ 指駁新章 督辦鐵路礦務大臣王文韶瞿鴻禨當訂定礦務章程時并未與會辦大臣張翼商議造章程頒發張始得知遂將章程中所有不妥之處逐項簽駁并請兩大臣從速更改聞各公使亦以新章稅課太重噴有煩言

◎ 大閱水師 聞北洋海軍統領葉祖珪軍門已定于四月十五日調集各艦在江蘇沿海之某處操演畢即將各兵艦調往直隸灣碇泊大沽附近稟請慶親王袁世凱親往閱驗并求指授海軍再興方略聞應行操演之船共十三艘云

◎ 袁督東游 聞直督袁世凱一俟天津事件了結即擬親游日本考察政治經濟軍事教育及各種制度而外間傳聞則謂實係特往調查學生之舉動并詳察留學生章程及教法擬在東京勾留約僅十日即當前赴北美游歷其同伴及隨員則為聯芳呂海寰梁仲衡等共十五六人云

◎ 商設商部 盛宣懷電商政務處外務部代奏請旨遵行異日商務部開辦之時托各國駐北京公使

代聘各國著名律師數人。為該部教習。博採各國礦務鐵路及商務專律。編纂成書。再由國家派員學習。候學業有成。即派此項人員。為該部聽審委員。倘有中外人民。為房產等事。涉訟。皆赴該部控訴。如中國人民。不願如此辦理。仍赴該管地方控訴。亦聽其便。

◎礦利均霑。聞政府已與各國訂約。准俄人在奉天開礦。英德法美四國。在吉林黑龍江一帶開礦云。

◎德索鐵路。前者嘗聞德使不再向中朝續索山東礦務。茲聞該使又請外務部。准其從直隸正定建

造幹路一條。達河南開封府。又枝路一條。轉接蘆漢。

◎俄索鐵路。俄國道勝銀行。近復與議建造。由正定至太原之鐵路。此事一千九百年毓賢在山西巡

撫任內時。曾經議過。今乃舊案重提也。

◎開埠併議。滿洲奉天齊齊哈爾爾賓等處。開作通商口岸各節。當歸併上海會議商約時。一體議

辦。將來必由英美日三國公使中。推舉一人。辦理此事云。

◎新設鐵路。聞有張某嚴某。請外務部轉奏。開辦鐵路。由永定門至長江北岸之蕪湖。名京裕鐵路。綿

延三千餘里。在蘆漢津鎮之中央。誠南北之要路也。其款項係美國劉海蘭所籌。現已由全權大臣入奏。

不日即當有明文云。

◎商辦鐵路。粵漢鐵路總董張弼士。日前回粵。謁見陶制軍。籌商開辦。聞已有頭緒。惟尚須面謁督辦

盛大臣。方能酌妥。已于月前自省附輪前往中江。一俟安商。即行開辦也。

◎朝陽亂耗。朝陽土民。鬧教滋事。勢頗猖獗。政府特派馬玉崑軍門往勦。馬軍至後。大營僅離土巢數

里。該頭目即遣說士一人。往謁軍門。議論風生。頗有捫蝨而談。旁若無人之概。始歷言民生如何疾苦。繼論教士教民如何壓制。最後謂彼等今日進無保身之策。退無再生之理。朝廷遣兵來勦。固不敢與抗。無如其境遇情形。實不忍再以兵力相加。即盡殺之。其如四百神州。殺不勝殺。何為今之計。正宜內修政治。外則據理與鄰國爭。小民雖愚。豈樂蹈險而就死。致上受賠款之累。下遭教士教民之虐。土室泣血。慘無天日。今事已至此。足下勿為外人之爪牙。致我同胞。操戈自戕也。云云。該說士聞係本地文生。馬軍門部下。聞之。有淚下者。聞已有三百餘名。逃赴賊壘投降云。

◎西亂彙聞。廣東函稱。廣西柳州府馬平縣之土匪林某。會同遊勇大隊。前至鬱林滋擾。近已竄回馬平原籍。地方猖獗異常。日前劫掠四堡新墟。及村鄉等處。勒令富家納交米糧銀兩。否則搶掠無遺。刻下各村紳民。舉辦團練。防守甚嚴。云又聞亂黨中有許多黑旗兵。在內該兵訓練數年。故非烏合流寇可比。且器械頗足。聞有快鎗六萬枝。日前馬介堂與匪大戰。初小不利。後以四面兜擊。匪始逃竄。馬軍遂勝。追殺約千餘人。又聞亂黨近日蔓延漸大。且戰勝官軍。其勢因之益張。日前在某處殺斃軍民不下千餘人云。

◎彈參紀聞。聞京中某御史。近上書彈參王中堂。模稜兩可。辦事糊塗。并參某尚書。苛稅剝民。怨聲載

道。摺內又有牽涉肅親王之語。謂其所為不當。難任輔弼云云。摺上留中不發。而京中大僚。一時之肅然。

◎擬設軍政司。直隸總督袁世凱。將設軍政司文學司。自為督辦。司之下設三處。以道員為總辦。處之

下設六股。其總辦量材器使。不拘官之階級。處與股名目尚未定。至辦法則中西互參。必期精實。而後已。

一俟尾蹶旋保即行舉辨云

◎北京開市 北京開市通商之議已漸有眉目。各國人皆思另開租界。間有力持內地雜居之說者。聞政府諸公多以另開租界為是。

◎議改官制 政務處近與慶邸王相兩全權大臣籌議。以滿洲東三省各處擬做照內地各省簡派文武各官。文如督撫藩臬道府廳州縣等。武職除照章簡用外。再練新兵三軍。以備東三省之用。聞慶王頗避其議。惟王相不以為然。但滿洲若改官制。竊恐難期久遠也。

◎議請退兵 聞俄約簽押後。兩全權所辦之事。即請退上海駐軍。及天津地面鐵路之事。此事本早可成議。因有一二條。袁世凱不以為然。故尚須磋磨也。

◎練兵述聞 直督袁世凱之所以欲裁軍者。欲從新招練也。近曾密商政府。上之朝廷。除北洋添練精兵四十營外。擬于山東另募二十營。山西二十營。陝西二十營。共成五萬人。以備緩急之用。其訓練一如新建軍規律。期于三年成軍。聞朝廷頗然其言。屬意世凱一手經理。俾成勁旅而一事權。至有無的款可籌。則尚無所聞。

又聞世凱擬先招十營。名為新練北洋左右兩軍。即以麾下王紹臣王品清兩人統帶。其訓練章程一依新建陸軍法律。刻已招足五營。並另招巡警兵兩營。計一千二百人。擬俟天津交還後。為巡緝地方之用云。

◎尚書被劾 大學堂章程。經張尚書百熙再三整頓。頗臻妥善。近聞有國子監司業管廷鶚上摺奏參。

略謂如此辦法。恐終無成效。不如請仍舊貫。以存其本云云。朝旨即將原摺交張妥議具覆。張閱之不禁慨然。太后聞此。摺亦甚不憚。待張覆奏後。尚有後命也。

◎宮保被劾 聞某御史參劾袁宮保世凱。忝竊高位。居心叵測。因拳匪之召亂。而挾外人以自重。知國庫之不充。而請增兵以自衛。朝廷宜預裁抑之。恐威權太盛。非袁之福。亦非國家之福云云。太后以示榮祿。榮力保其無他。遂留中不發。

◎擬行印花 聞總稅務司赫德近與軍機處會議印花稅一事。赫德之意。擬先在直省試行。然後推行各省。而軍機處則擬先在各通商口岸試行云。

◎召對良久 榮祿此次銷假後。與王文韶鹿傳霖同召對良久。太后曰。汝等無甚說的。且退去。榮首先起。因駁疾未痊。將作跌勢。太后命瞿鴻禨曰。榮祿新癒。汝宜助力。瞿起力扶之。榮始起。王鹿二人見榮起。然後起。聞鹿時欲乞歸休。又不審上意若何。遂以奏稿示榮祿。榮曰。公勿爾。國家多事之秋。公宜降心相助。為理。若再易一班少年喜事人。不特國家愈不可為。而我先無術以應之也。遂止。或云王文韶昔在西安時。亦屢為榮祿乞休。榮亦以此言挽留云。

◎力勸變法 袁世凱前入都時。力勸榮祿維新必放大胆。重振起手段。不可畏首畏尾等語。榮云。各國及南方人議論太多。袁告各國與南人之議論。最持平。若能振刷精神。凡有關國計民生者。以死生去就爭之。中堂孑然一身。何所顧忌。庚子之變。若能力爭。安有今日。中堂肯擔此重任。各國與南方人且贊歎不已。當時榮頗有動意。及袁回保定後。則寂然無聞矣。

◎滿洲善後策 近聞北京政府各王大臣密議俄兵撤退後滿洲善後之策。所建諸議各有異同。大約分為三說。第一說建自榮祿崑崗二人。擬仍照事變前辦法。毋庸多事更張。第二說建自慶王。擬仿照內地各省。毋庸因滿漢而異其制。第三說建自袁世凱。而劉張陶三督贊成之。擬大開市場。力圖進步。任便日美英德諸國在內地通商貿易。三說各執一見。無可折衷。已奏請兩宮斟酌施行矣。

◎俄約密款 當滿洲條款未簽押以前。兩全權大臣頗向俄國公使申訴自己苦衷。且謂以條約外之利益以酬貴國厚誼。是敝政府中人人僉同之主張也。云云。俄公使請將所許之利益附入條款。嗣即在王相邸祕密會議。特其會議如何。外間無從探悉。然依前後之情形觀之。必將于條約之外。另予俄國以特別之利益。故日來盛傳俄約有公條私條。公條四款。係與五洲之人以共見者。其為人所不及見私之又私。尚有十六條之多。云云。此說或非無因歟。

◎撤簾述要 皇太后鑑于拳匪之變。以為挽回國勢之第一要義。在于變法自強。苟銳意力圖變法。必先將阻撓變法之弊一律刪除。嘗謂妃嬪等曰。吾老矣。耄期倦勤。俟由南苑還宮後。行將俟機撤簾。吾且退老頤和園。娛我桑榆之晚景也。左右有勸止者。太后曰。吾意已決。非他人之言所能入也。云云。

◎擬復海軍 袁世凱誓志復興北洋海軍。每年已籌定經費一百十萬兩。惟無完全之根據地。頗費躊躇。水師提督葉祖珪建議。聘請英水師官訓練。即援英國租借威海衛時之舊約。借用威海衛一部為海軍屯駐之所。袁趨之。已與英國守備隊長商。隊長謂權借固無不可。惟中國停泊該處之軍艦。不得過五艘以上。聞袁尚擬與英公使當面細商云。

◎粵西亂耗 得粵函稱。近日廣西亂黨。仿佛當年髮匪。月前該黨攻陷平南城時。城中文武各官悉遭屠戮。官署府庫盡被劫掠。獄囚全行釋放。翌日出示安民。略謂志在革命。求新。華官賣國。亟宜驅逐淨盡。以挽危局云云。蘇元春所統之軍。屢遭挫敗。因該黨所用鎗械。皆係新式。目下該黨日聚日眾。據稱刻下已有城邑三十餘處。或反叛從匪。或已經匪陷。聞官軍多有降匪者。又云。近者匪勢日益猖獗。總兵馬維祺。現退紮廣東東部高州一帶。藉口約彈不足。請粵督速行接濟。其實已為賊擊退。特畏罪捏報。未曾接戰。且一面飛請援師。為他日為彌縫之計也。蘇元春現在廣西西南境龍州。後路為賊遮斷。軍火糧食無從仰給。甚為危急。廣東東部欽州秦觀察逗留廬山。作自保計。不敢前往救援。廣西巡撫丁振鐸。雖派新兵八千。聲言進發梧州。接蘇元春之後隊。而至今亦毫無消息。法國某艦長則請派兵助剿。丁仍却之云。又聞法國天主教徒多助亂黨。以軍火粵督已將其情形電告政府。袁世凱擬派新式練軍六營前往助剿云。

◎鉅鹿亂耗 正定附近之鉅鹿縣。有暴徒蜂起。約萬餘人。其匪首自稱元帥。勢頗猖獗。已殺官吏五十餘名。法國有一宣教師。亦被害。已有上諭懸賞。拿獲兇手。并懲罰該地之文武官員。袁世凱派所募募之兵往剿。途次為該匪黨要擊。致殺斃將校數名。兵卒約五十名云。

◎力辯其無 某國公使聞外間風傳。俄約外尚有密約。特往謁全權大臣王相。面詢是否屬實。王相謂此係外間風傳。斷無足信。某公使謂萬一日後有此等事發覺。當如之何。王相則以身任之。謂日後如果有此事。即惟我是答可也。某公使乃退。

○撤簾有意 兩宮恭祭東陵時。有某大臣以撤簾請者。太后大怒。且曰。今日朝政紛紜。築室道謀。乃若輩竟一味責我。吾老矣。行將退老。願和園。娛我桑榆晚景。不復問天下事矣。云云。又內監聞太后有意撤簾。皆十分惶恐。而李蓮英為尤甚。誓將以死諫阻。嘗奏諸太后曰。如老佛爺必欲退老。願和園。請先斬去奴才的頭。

○修治道路 各國公使屢與慶王言及京師宜亟修治道路。以免汗穢薰蒸。至生疫癘。慶為外人屢次諷言。于是奏請修造馬路。已命慶王為督辦。胡燏棻為會辦。項已議定。由戶部發帑銀廿萬兩。即日興工。其中所用之辦事人員。均歸提督衙門酌用。該衙門之長年經費。亦即改為養路經費。城內外先將大路修好。一切章程。尚未議妥。命外部各司官等。各陳己見。上條陳。以備採用。而胡燏棻之善後局。亦即行裁撤。

○崇文門稅 崇文門監督屬下之人。于抽稅時。專事勒索。故怨聲載道。洋人之貨。進門時。不過繳納正稅。華人則于繳納正稅外。仍須格外需索。有某御史奏參肅王辦理不善。肅王于是出示痛飭。在事人役。謂嗣後于徵收正稅後。不准另取分文。凡商民納稅時。即向該收稅者取一憑單。載明所納之數。如有向之多取者。准持單往控。定必從嚴懲辦云云。

○刑印政要 政務處奏請按月刊印政要一次。首列諭旨。次刊摺件。已奉旨允准。現已分咨各部院各省。關將遵旨議覆。現已舉行。各奏摺分別詳錄咨送。凡兵制學校賦稅度支外交各要政。論摺概行刊刻。宣布。

○事屬可疑 前三月廿三日。外務部接到東南某總督一電。謂楊子通星使致死之由。若如傳聞。誠于國家之體面有關。父喪未治。而其子即縊死。此中情節。大有不可思議之處。如不趕速摘發其隱情。判明其所以致死之由。恐日後俄使一缺。斷無人敢往也云云。

○俄人巨測 據中俄條約。俄兵當於年牛內一律撤退。然自今日觀之。俄人不特無豫備撤兵之事。且藉口彈壓馬賊。陸續派兵前來。今日駐于滿洲東南一帶者。約有五萬餘人。加以新增之兵。不下六萬。上下前日俄國鐵道委員。特送一照會于盛京將軍。謂俄兵雖撤。而東清條約。俱在容難一律退去。蓋東清鐵道條約中。有許俄人保護鐵道之權利。故俄人藉此為永久駐兵滿洲之計也。據該照會。謂俄國步騎二軍。可酌量減退。而砲兵且將增加。使各停車場得保無事云云。俄人用意。概可知矣。

○擬還天津 各國駐華公使。現當未會議交還天津之事。各國擬禁止華兵駐扎天津一節。聞華官未允。袁慰帥到京後。拜會公使數人。欲請各公使除出此層。如各國不允其請。則慰帥即擬在保定駐扎。不再至津矣。英美日三國公使。已從慰帥所請。惟西班牙及意奧三國公使。力拒不允。至俄德法三國公使。則不置可否。聞西班牙及意奧三國公使。所以力拒不允。係為別國公使唆使之故。交還山海關鐵路之事。亦因此航延。在英國之意。山海關鐵路隨時可以交還。前已定交還日期。如德日兩國公使允諾。即可定議云。

○交路新章 中國全權大臣。與英公使議還山海關鐵路一事。已定議立約。于西四月廿九號簽字。今將其約中大意列下。(一)定期于西六月一號將鐵路歸還中國。惟須俟各國應允後。方可照辦。(二)華德斯

與英軍統領前者所定鐵路運兵章程仍照前不改(三)派一英國武員為正總辦兩武員為副總辦德國日本各一人為該鐵路總辦(四)于未交還鐵路以前凡英軍統領已辦之事如用人訂立合同等類均須以滿期為主(五)將來如再另建新鐵路在山海關鐵路兩旁八十英里之內者則須由中國自辦不得由外國公司辦理以上為交還鐵路約章之大意其中第五款之所以立則因近曾有人向中國聲稱欲築鐵路由通州至秦皇島又由豐台至張家口恐中國果將此兩路讓與外人則與山海關鐵路不免有礙故有此約

◎擬索租界 聞駐粵美領事曾向粵督索租廣州河南為租界蓋河南為粵漢鐵路發軔之地美領事意欲獨攬路權故有此請制軍始則堅拒繼則託病不見美領事饒舌再三制軍飭屬告以此事須商之外部非疆臣所能擅允美領事電駐北京美公使照會外部索之頗堅並謂制軍已經應允外部大臣電責制軍不應推諉其詞甚嚴故制軍決計引退以避此事

◎法葡索地 旅居澳門之法人近擬在相隔澳門數英里地方購地一區聞共出價洋十二萬元蓋因該處水深便于灣泊船隻欲于此建一海軍醫院也惟此舉不特可以扼守廣東省城及澳門來往之海口即與香港亦甚有碍是以港中英官聞已傳電葡京理論此事云又聞葡政府已命駐華葡使向中國政府要索鄰近澳門小海島兩處云

◎北省亂耗彙誌 廣宗一帶因地方官頻年勒派重捐民不聊生于是亡命之徒聯合三百餘村製造槍械誓與官軍抗敵起事之初不過廣宗一縣繼而邢台鉅鹿唐山內邱新河平鄉等縣之百姓亦皆聞

風響應攘臂而起蓋亦怨毒太深民心憤極所致各州縣夙有聯莊會槍法極準省中所派之洋操隊將臨廣宗縣境即與鄉民接仗鄉民怒極奮不顧身且其所用之鎗較洋鎗遠擊三十步洋操隊死傷頗多因而大敗鄉民得勝後即沿村築壘後路各縣之商民竭力供濟飲食呼地方官為狗官呼官兵為賊兵大旗上特書官逼民反四字官軍敗後于某夜暗襲某村村破官軍大肆淫掠後即縱火焚之村民老幼千餘口無一生逃者並焚去教堂一座教民若干家匪首景廷賓係廣宗縣人武舉出身年約五十餘歲起事之先將自己親屬眷口盡行殺害以示必死之心又聞匪首景廷賓傳單勾結山東河南毗連各縣計有二十四邑之多號稱六萬人均通聲氣且有團匪在內威縣城邑已為匪徒據守

◎西省亂耗彙誌 廣東省城官場于日前接廣西來電言南甯已為亂黨所困危急異常救兵倘不早至勢必不支廣東大吏旋即再派兵兩營往援又電云鬱林州因匪勢猖獗已失陷三縣皆與東省毗連匪首係洪姓托言洪秀全之裔東西勦匪之兵均不甚得力又聞該亂黨中分為兩派一派係頗有政治思想者一派係散勇黨惟事劫掠百姓並擄拿官長勒贖以及佔收鹽稅各事又雲南並東京以及廣西北境邊界各屬匪黨結隊成羣到處肆擾又聞各亂黨共有二三十萬人之多近日已將圍困桂林省城又聞駐法公使裕庚日前電達外務部畧謂本日接到法外部照會內開廣西匪亂與東京商務大有關係現在貴政府究竟如何措置若至六月以後尚不能鎮定敵國為自己利害起見斷不能置之不理云又廣西巡撫丁振鐸同日電致外務部畧謂東京法兵官屢請援助中國勦匪均婉言謝却乃上月杪忽有法國馬兵一隊炮兵多名闖入邊疆居民大為震動似此藉端干預實難測度應請照

會駐京法公使電飭該兵立即退回毋得釀成邦衅致傷睦誼云

◎直督新猷 直督袁宮保自任北洋以來殷殷以開辦學堂為首務現因大學堂業已規模粗具擬即另擇善地開創將弁學堂以儲干城之選其教習專擇水師學堂武弁學堂優等學生俾資訓練又以北洋大開商埠各國雜居情形與從前大不相同此後交涉事繁不得不慎選能員辦理洋務故擬俟天津交還後特設洋務局一所專管華洋交涉事件其總辦即委蔡太守紹基云

◎直督之言 袁宮保在保定時某國人往謁叩以中國時局宮保慨然曰天津民政已在各國之掌握生殺予奪之權久非我所操矣以權利上之正義言予不得不死請其交還也天津為北省之首府京師之咽喉總督衙門之所在也直隸省之安危係于天津民政之如何今各國若此是不啻使我全國人民輕蔑我辱罵我也彼等每謂予依外人之指揮以自喜仗外人之勢力以為強其實予關于外國之事惟有兩種一白河航運之改良一以關稅收入為指定之賠款予六年前曾上條陳于當道請速將白河浚深以便通商此世人所知者是白河一事予不獨極力趕辦且必繼續而擴張之至于海關收入政府曾指定每年以七十萬兩充作賠款正項依予之意且將俟商務復興時酌加其數天津將來如何雖難預斷然商業上斷不得安謐蓋天津出產唯食鹽一項今已為各國所奪誰復操是業耶此實予對于外國人之區區也畿南之亂各國又將藉口不還天津各國亦曾自問乎苟早將天津交還何至有今日之事耶客又叩以日英俄法兩同盟之事并問日英同盟究可為中國之幸福否宮保曰日英既以保全中國為目的予亦感謝不遑惟細思中國既待人保全則其不可保全也必矣此又予隱隱傷心之處也

◎紀工巡局 聞政府命肅親王辦理工巡局其修理內城街道僅由戶部先撥經費二十萬兩恐不敷用章程亦不易議日來上條陳者殊紛紛也

◎杜絕亂萌 聞某御史因鑑于各省之亂奏請將各省攤賠之款及各縣應分攤派數目明白曉諭使民共見共聞庶官吏不至藉以苛斂而民亦可以不疑云

◎政務行知 瞿子久尚書奏請凡日後政務處所辦之內政外交一切事宜均宜隨時行知各省疆吏不得秘密自守致啓人疑而誤國政云云聞王榮諸相亦以是言為然

◎商稅利權 近日王中堂電致鄂督張香帥其文曰貴督向來創興製造廣開利源以防漏卮外溢素所欽佩惟此次武昌繅絲織布等局將歸日商安田辦理此事若成則與貴督向來辦事宗旨有悖鄙意頗不謂然蓋徒以一時財政困乏圖眼前些微之利而將利權受柄于外人難免貽後日之悔耳擬請貴督統籌大局及早設法挽回倘該日商安田前往貴省商議此事請婉言却之可也云云

◎擇派游學 慶王向來建議擬就親王宗室中擇年少有為者出洋游歷近日榮中堂亦有此意不日即可奏請簡派榮相之意派年長者出洋于將來政治易滋流弊不如派年少者出洋為宜云

◎大學課程 大學堂課程本已酌安送呈政務處聞有智學及國際學二門政府疑智學即哲學恐係民權自由之變名更疑國際學為不經之談皆擬刪改再三考問始知其故因改名曰國法學又大學堂招考章程聞已擬定約分九門一洋文論二漢文論三中國地理四中外史事五繙譯六代數七形學八公法學九格致化學每門能足百分之六十分者即為合格大約七八月即當以此法出示招考也

○擬行捐例 近來政府以國債難籌。援江蘇廣東捐例通行各省。以償國債。謂總計一年所捐之款。可將國債還清。擬捐一年。即行停止。無損于民。大有益于國。各省督撫意見相同。已公摺具奏矣。

○新設欽使 新設駐紮奧國欽使一缺。已簡派即補道吳德章。意國欽使派候補道許珏。比國欽使派即選道楊兆盤。

○力拒意請 駐北京意公使近照會政府云。意國欲在黃村購置一地。以建兵房。傳聞王中堂欲從所請。以聯侍郎芳不以為然。聲言外兵不能另建兵房于使館界限之外。如必另建。是有背條約矣。慶邸之意亦與聯侍郎相同。故已力拒意使所請。

○袁督被劾 聞袁慰帥自經御史參奏後。近又為某御史所劾。指中措詞頗厲。甚有謂不辦袁某不足。以謝百姓等語。有云此條使使所主使者。政府已略為所動。故近有擬將慰帥開缺。而劉坤一調任直隸總督。張之洞調任兩江總督之說。未知然否。

○西撫被劾 聞某御史參劾廣西巡撫丁振鐸。以其縱容土匪。遲匿不報。致釀成此禍。聞已交鄰省總督查辦矣。

○還津駁議 前北京各公使將天津練軍各統領所上交還天津之條陳集議。各公使當將其中一二款畧為刪改。查各統領條陳中有言華兵不得在距津三十米突之內駐扎。現各公使改定華兵已不妨駐于距津三十米突之內。各統領條陳又言中國兵輪每至大沽灣泊時。其數不得逾一艘之外。現亦經各使除去。至其餘各款。則尚須由各使再行聚議。乃可定奪。惟各統使條陳中有言部署未經交還中國

以前凡與人所立合同。交還後中國仍須遵守。不改一節。則各使深以為然。聞都統署與人所立合同。即係准人于租界津城相距處建一電車路。并在津建造自來水廠等項也。

○交路近議 關內外鐵路業已定期由英俄交還中國接收。茲聞俄公使又以胡侍郎英公使所訂交還鐵路條內。有鐵路由英交還後。當仍用英國工程隊兵官幾人。以為華督辦之助等語。俄使遂致書外務部。略云。如此看來。英人所交還之鐵路。仍與不交以前無異。應請將此條作廢。否則關外鐵路。須更期交還。同日德國駐京公使亦以此事詰問。故慶親王王中堂因此又歸咎于胡侍郎辦理不能慎始。致生此枝節。胡則以當日固嘗先請示于外務部。不肯任咎。

○聯軍議退 現聞各國都統議定保護各國使館洋兵。計留美兵一百五十人。德兵三百人。法兵三百人。英兵二百五十人。日本兵三百人。俄兵三百人。意兵二百人。奧兵二百人。共計留護使館兵二千名。其餘各軍陸續運回本國。又由北京保定退出之兵。不在天津久駐。須于西六月十五號以前退出。蓋因天氣炎熱。恐染時疫也。現各國亦將陸續遣派運艦來沽。以待載運北京保定退出之兵回國云。

○粵西亂耗 據最近消息。南甯前被圍困一節。有目擊情形者。言正月尾人心頗為震動。到貳月初至。今則安靜如常。祇覺東至永瀉。西至百色。南至鎮州。北至蘆墟桂林。道路稍多游匪。出沒無常。行商頗有戒心。凡貨物往來。必請護送。方保平安。故市面稍形淡寂云。又其亂多屬游勇所為。其意止在劫掠財物。並無大志。是以兵至則散。兵去則聚。尚無攻城奪地之事。外間喧傳南甯失守。實無其事。或有謂桂林被圍者。尤屬傳聞之誤。

○詆排游學 前任駐日本公使李盛鐸當陸見時嘗奏請學生中間有狂暴放恣毫無檢束且皆心醉民權之說者若不加以轄制日後必至不可收拾云云

○借款傳聞 聞政府向總稅務司赫德借款一百萬以為北京各工程之用未知確否

○編定兵制 直督袁宮保新招北洋新軍六千人訓練情形已誌前報茲聞擬續招一萬人共成十六營之數並預編兵制擬以提督為全軍統帥左右翼各總兵一員總兵所轄四協四協為八領其下則營哨各官有差蓋期層層節制也並聞宮保之意左右翼即以麾下之王少臣王聘卿兩觀察借補而提督則由宮保自行兼管云

○派修街渠 聞太后因院中時有氣味想係溝渠失修之故乃派張野秋尚書為承修大臣軍機處以其兼差太多學堂事關緊要宜加派一人因添張燕謀侍郎以佐之尚書已派喬馬諸公為監督而侍郎不肯派人不知何故

○派司章奏 向來投遞摺本多有包攬投遞之人茲閣臣以通政司業已裁撤專派恩潤區王四侍讀以司其事他人不得干預恐外省摺差未盡周知故已出示曉諭以免貽誤

○禁談國事 肅親王自接管順天巡警事務以來凡地方緝捕以及修理道路各節頗為認真日前業已出示遍貼京城內外略謂近者熱河以及西南各屬亂黨均經一律勦平自示之後凡爾軍民人等不得造謠煽惑眾聽亦不得妄議國事致犯典章云云並常派巡捕多人微服潛至各茶館查訪遇有違犯前情者立即拿入捕房究辦日前某捕等至某茶肆內適有二人正在評論國政立被擒送于是各茶樓

酒肆咸有戒心各在店中粘貼告白誠人勿得妄談國事致違禁令

○議捐修道 京師地面奉旨着肅親王整理惟祇撥公款二十萬兩而外城地方遼闊處處皆須興修萬難敷用日前乃傳聞有將按戶攤捐之議或為常年或為月捐尚在未定有謂胡侍郎前與順天府五城曾經會同商辦攤捐之舉此次或即照其所議辦理亦未可知

○旗餉彩票 刻因八旗餉源日竭司農乏術聞有某太史條陳請仿照外洋彩票辦法擬開旗餉官彩票每張售銀若干兩共印數萬張勒派各官承領每月可得餘利數十萬兩可為入款之一大宗當道甚稱妥善大約奏明後即須開辦又聞此項彩票辦有成效即續辦內廷經費歸內務府承辦並聞此次太史奏摺之語引證極博章奏家皆爭先抄閱云

○請改刑律 聞鄂督張之洞以中國用刑過于酷虐殊非文明政體現當奉旨改訂律例之際故特電請伍沈兩大臣酌量將此節妥為刪改一面嚴飭獄局及各州縣均不准過用酷刑

○請派巡使 近聞有人條奏各行省牧民之官雖有督撫管轄而善匪其奸者仍復頑固如初請派巡察使如明之巡按者然不責以他政但專以激濁揚清云云

○改調原因 河南巡撫錫良此次改調熱河都統聞實由各公使照會政府請將其開缺故政府特調補是缺以為調停之計

○天津交涉 日前都統衙門與各公使會議交還天津一事其議案中有都統衙門三十啓羅米突之內應許駐紮華兵三千五百名云云此事各公使與都統衙門意見相左故各公使又定以二十二日重

行會議

○鐵路交涉 駐京俄使大不以其所訂之鐵路條約為然。謂政府如不將該約註銷。則俄國斷難將滿洲之兵撤退。英使聞之。擬收回前約。而各國司令官均以管理鐵路一事。為各國今日必爭之權。此事不僅關涉英日德三國。即其他各國亦當派員參議也。

該條約中關於運送各國兵隊一條。各國均有異議。又約中有距本鐵路八十英里之內。中國或外國可任便另築鐵路。即不假他國之力亦可云云。俄國尤不以為然。俄使以為此條雖明言不讓英人以鐵道之權。其實已予以全權矣。蓋他日此等地段。另築鐵路。其資本不出于英。將誰出耶。且英人此舉不特于直隸肥饒之地得有鐵路已也。且自通州至秦皇島。自豐台至恰克圖。自天津至保定等鐵路。亦盡歸英人掌握中矣。某相聞之大懼。嚴咎全權大臣失算云。

○無故索地 探聞上月間有俄官照會科多布參贊瑞景蘇大臣。詢向之索地。瑞接到此項照會後。憂憤萬分。數夜未睡。肝氣下陷。泄痢頓作。此條見于瑞洵奏摺。事必確鑿。惟俄人無故索地。究不知其照會如何措詞耳。

○法圖礦產 四川煤礦久為法人垂涎。現英國已得有某某六縣礦山開採之權。而法國僅得某某二縣。法領事以利益不均。屢與奎制軍饒舌。而英領事又堅持定見。無隙可乘。制軍惟兩處敷衍。大有左右為難之概。

聞雲貴總督魏光燾。近嘗電外務部。略謂近有法國某公司欲在雲貴建路開礦。第因未奉政府諭知。前因是以未便准行。且謂此事斷不可遷就。應允。蓋恐法人一得在滇開採礦產之權。其他各國亦將同起。援利益均霑之例。中國將何以應之云云。

○法擴租界 駐漢法領事擬將該國租界開至蘆漢鐵路線內。俾該路直貫其界而行。特與張官保面商。官保却之。且告其意于英領事。英領事謂此事英人必不坐視。可無多慮云云。官保慰甚。特將新開租界基址繪圖帖說。告于法領事。并要其即日定奪。且雷告外部。謂蘆漢鐵路本比國承辦。今比人概借法國資本。聘用法工程師。各國皆注目視之。如一旦南北鐵道悉落法人之手。將來無論戰時或平時。均不能為我所用。諸公宜極力防之。以免他日噬臍之悔也云云。

○廣鉅平靜 廣鉅聯莊會匪。經官軍大挫之後。各匪業已紛紛潰散。其餘諸鄉僻邑。尚有糾眾抗官者。惟所携多屬農器。所集又無首領。一經上憲開導。即可息事。即謂一律肅清可也。又聞此次捷音。仍推袁軍為首功。而姜軍門由京接濟軍需。源源不絕。其轉運一切。又推韓盛明遊戎。達為勤勞。故收效如此之速云。

○粵亂將平 廣西之亂。迭紀前報。茲據西省來函。謂亂黨初起時。因該處防勇單薄。不敷拒守。以致亂黨猖獗。及官軍齊集以後。互有勝負。亂黨力漸不支。蓋亂黨不過百十為羣。不足為患。又粵省連日接欽廉潘觀察等公牘。均謂亂黨業已解散。行將救平云。

○北京雜事彙誌 聞直督袁世凱有調任兩廣全權王文韶署直督兼北洋大臣之說。政府之意。擬將內閣衙門裁撤。

現軍機處樞要各務皆歸瞿尚書一人之手。上諭亦皆為其擬撰。袁宮保先後所陳之變法要摺多為所阻。

日前皇太后傳旨外部著採辦西式什物若干事。擬于宮內設一大餐間。為日後款待各公使夫人之地。京師大學堂定于九月開校。其一切教育制度均照日本東京各大學堂辦理。同文館每年經費管學大臣原擬提歸大學堂。茲聞外務部已將此款扣留不復交出。皇太后歸政皇上之事。廷臣中惟王中堂諫阻最力。每與人談及必言此事萬不可行。有某御史具摺奏參新簡駐奧欽差吳德章駐意欽差許珏二人謂其才不勝任倘有貽誤于交涉上大有關係云云。

胡芸楣侍郎為交還鐵路條約不妥。政府責以擅許字樣。幸袁宮保代陳苦衷。從寬降二級留任。王侍御祖同奏稱六部司員人浮于事。請令學習各員暫行回籍聽候傳補。又附片稱近來京外奏疏改題為奏內閣各員一無所事。擬請酌量裁併。已奉旨交政務處議奏。

工巡局經費至今仍無的款。日前蕭郎奏請旨意奉諭暫由戶部撥用。

今屆順天鄉試借開河南。而同考各官仍由北京簡放。馳驛前往。聞考差人員皆視同畏途。倡議於六月二十日會齊請假。事為學院所知。傳諭各員如被簡者雖在假中亦不得藉詞不去。

漢河金礦現被俄人佔據。所有前入之華商股份中國政府概置之不理。

遼制東省。皇上意以袁慰帥曾任東撫。庚子之亂固疆圉。聯外交。全大局。東省人民至今猶戴若二

天將命為直東總督。遼制東省。慰帥已具摺懇固辭云。

彈劾紀聞。黃侍郎曾源近曾具摺參劾惲學士毓鼎。摺中謂前年聯軍初入京時。惲在美界創立協巡公所。侵佔五城之權。云云。業已奉旨交翰林院掌院查辦。當由孫中堂編詢曾居美界之人。眾口一詞。皆言惲學士力願大局。云云。孫中堂已于初三日覆奏。極言惲并未侵佔官權。且有美界商民至今感德不忘之語。摺留中。惲得免于禍。聞黃侍御此次實係陳壁所指。使政府亦頗疑其為人。故不交順天府及五城查辦。而交翰林院掌院查辦也。黃侍御附片並參劾賈景仁賈固小。聲名甚劣。當洋人入京時。賈與俄人交頗密。慶邸雖派為隨員。並不信任。而黃摺中詞氣竟波及慶邸。有請將賈交地方管押。以保全賢王之語。聞賈事已另交督撫查辦矣。

還路有期。關內鐵路交還之議。前因俄國力阻。遂致愆期。日前經兩全權與俄使懇商。俄使電商本國政府。已得覆電允許。不再干預。想交還之期指日可定。不至再成畫餅矣。

籌款償捐。商務大臣盛宮保奏請減輕茶稅一摺。已奉旨俞允。江鄂兩督以為茶稅既減。捐數必短。應解之洋債銀兩。即不能足額。旋即咨請盛宮保設法籌款償補短捐之數。以免有誤洋債要款。盛宮保一面電覆。允為籌款償足短捐之數。一面電達外部。聲明以上各緣由。茲聞外部堂官之意。以為所短之數。可以另為設法。無庸盛宮保自行償補云。

還津近議。交還天津條約二十九條。各公使以為太嚴。業已二次議改。各國司令官仍堅執不允。各公使亦無能相強。然尚未將條議交與中國官。聞此二十九條款。早入直督袁宮保之耳。宮保以事在人

為目前爭改一二條亦無濟于事能改固佳不能改亦不妨認許何必托詞磋商徒延時日云云

◎會議賠款 五月初六初九兩日駐京各國公使會議分配賠款茲悉業經定議各國合計之總額本為四億六千二百九十九萬六千二百九十三兩餘而條約中僅載明中國應賠償四億五千萬兩尚有一千二十九萬六千二百九十三兩餘無着故分配之法不免彼此差池各公使此次會議即將無着之一千二十九萬六千二百九十三兩餘減去照四億五千萬兩以當時各政府提出之賠償清單按計多寡平均分攤隨由十一國公使畫押定議

◎北方各國兵數 目下各國軍隊駐扎京津及大沽一帶者計英國四千五百人德國三千三百人法國二千四百人意國一千有奇俄國一千有奇奧國一百五十人就中德國已于西六月十五號撤退若干聞八月間尚須減退千餘人法意諸國亦有減兵之議惟尚未定數目耳

◎俄使陰謀 駐京俄使因近日在京勢力日漸失墜思用懷柔之策以恢復之現與法使秘密協議訂定政策如下一謀俄黨之再興並宜聯絡滿人及與滿人有親密關係者俾其成一大黨一設法阻止中國政府派遣學生出洋游學一事即萬不得已亦須令其請外人為監督庶不致啓其自由思想一中國招聘外國武員訓練軍隊不得偏用某某一二國人俄法兩國均應得有代練軍隊之權利一如有欲在蘆漢鐵路左近另築幹路或支路者皆于該鐵路有大害無論何國出力要求俄法兩國當極力峻拒之一兩廣地方之外國教士尤宜著該省督撫實力保護並宜助其行一切皮相上之新政一北洋艦隊再興時俄人當代為斡旋一切並借與旅順一部分為訓練之地一中國人旅行東華鐵路者其車價較他國

人減取二成而吉林省煤礦當讓歸該公司開採一東三省中奉天鐵嶺甯古塔哈爾濱庫倫貝爾城等處將來改制時當設法力圖中俄兩國人民親和之道

◎俄與滿洲 俄國黑龍江軍事總督因本年七八月內當照約撤退盛京西南境及遼河一帶現駐之俄兵特以俄歷六月四日移文著該處司令官屆時遵照辦理駐京俄使亦于是日移文照會外部及軍機大臣據該照會此次應撤之數共計三萬五千內步兵一萬八千騎兵八千砲兵七千工兵一千輜重兵一千政府接到移文定議屆時著馬玉崑提督前往接代并訂定軍制如下步兵一萬五千內洋操兵八千騎兵五千無洋操兵砲兵四千全隊皆用洋操工兵八千全隊皆用洋操輜重兵一千二百內洋操兵五百合計二萬六千內洋操兵一萬三千三百

滿洲俄兵撤退後仍應照約酌留若干名為保護東華鐵路之用惟實在應留數目至今尚未議定據俄國黑龍江軍事總督阿勒塞夫意見擬留三萬五千名已將其意旨電請本政府核奪特俄人既在旅順常川駐札重兵而又留三萬五千之多保護鐵路未免駭人聽聞故天津各國武員擬勸其減少至二萬內外云

又聞俄人擬在滿洲鐵路之海拉爾支線近旁興築鐵路一條直貫東部蒙古而達張家口但該鐵路能否歸俄人辦理尚未定議外務部已電命黑龍江將軍詳查具覆云

◎奏參鄂督 聞湖廣總督張之洞近為某言官奏參已有旨交江督劉坤一并鄂撫端方查辦聞摺中牽涉張督少君君立並統領護軍之張彪及轄下文巡捕慕昌韓情節甚重云

◎請廢科舉 前粵督陶謨奏廢大學堂事宜。摺內曾附論及科舉不廢。學堂必不能大興。請逕廢科舉。俾學者出于一途。如不能。則裁減中額。及各邑學額。又不能。則先裁汰府學。將學宮齋舍學田等。一概並歸中學堂經理云。

◎軍政述聞 直督袁世凱創設軍政司。其規模至為宏大。定制分兵備。教練。參謀。三大股。其兵制係仿德人萬九千人為一軍。其教練之教師。則用某外國人。而副以由日本留學調回之武備學生。聞章程早已訂定。惟尚未刊行耳。

◎奏覆礦務 聞外務部前日覆奏之礦務章程。摺中大意如下。一各國因課稅過重。多所異議。宜減少其數。一英國商約大臣馬凱。因章程內有無論中外人均可入股開採一節。遂引為允許外人雜居內地之證。然此事實與商約無關。一劉張兩督倡議。謂外人附股採礦。宜設法制其股額。然章程第五條已明定限制。似無庸再事饒舌。一將來修改章程時。宜預先奏明情由。聞已由政府批准。著照所議試辦矣。

◎全國人數 戶部前咨各省督撫清查省內丁口。茲已據先後造冊報部。其數如下。

| | | | |
|-----|------------------|-----|------------------|
| 直隸省 | 二千零九十三萬七千人 | 山東省 | 三千八百二十四萬七千九百人 |
| 山西省 | 二千二百二十萬零四百五十六人 | 河南省 | 二千五百三十一萬六千八百二十人 |
| 江蘇省 | 二千三百九十八萬零二百五十五人 | 安徽省 | 二千一百六十七萬零六百九十二人 |
| 江西省 | 二千六百五十三萬零二百五十五人 | 浙江省 | 二千一百五十八萬零六百九十二人 |
| 福建省 | 二千二百八十七萬九千六百七十三人 | 湖北省 | 三千五百二十八萬零六百八十五人 |
| 湖南省 | 二千二百八十七萬九千六百七十三人 | 陝西省 | 八百四十五萬零一千八百八十二人 |
| 甘肅省 | 一千零三十八萬六千三百七十一人 | 四川省 | 六百八十四萬七千二百三十三人 |
| 廣東省 | 三千一百八十八萬六千三百七十一人 | 廣西省 | 五百一十四萬二千三百八十九人 |
| 貴州省 | 七百六十五萬八千八百八十二人 | 雲南省 | 一千二百四十二萬二千三百八十九人 |
| 蒙古 | 二百五十八萬八千八百八十二人 | 西藏 | 六百四十三萬二千三百八十九人 |

新疆 一百二十萬人

共計四萬一千七百九十四萬七千三百二十五人

◎還津定議 本月朔日。皇太后面諭加派新簡桂撫王之春。會議交還天津一事。王旋與各國公使會議。二次。議定刪除各武官。前所議條款。已于初八日一體議結于定議後一日起。限四禮拜內即將天津交還。不另立約。彼此照會外部定案。

◎執約要求 英人所訂津榆鐵路條約。有不許他國再造別路之說。比公使忽函達外部云。貴國李爵相在日。曾許我比國由天津至保定建造鐵路一條。舊約猶在。且比約訂在英約之前。不許他國則可。不許比國則不可。外部茫無以對。慶邸遂以上聞。適召見新簡東撫周馥。上曰。汝隨李鴻章辦交涉多年。試往調停之。周不獲辭。執中國礦路章程往詰。比使謂。凡訂約無論礦路。一年內不能開辦者。概作廢紙。況所訂之約。已隔多年耶。比使曰。我非承修中國鐵路之商人。我所言和約也。款幾時齊。幾時辦。本無年限。不得以和約比。周無詞。因轉求英使曰。前訂該約。未念及此。度貴國必不使中國負比也。未知英使首肯否。

◎俄營滿洲 日前盛京將軍增祺曾致密電于外部大臣王文韶云。近日俄國舉動。頗為可異。刻下俄兵亟亟修築城壘。大有久駐之概。計畫彌深。交涉愈險。倘不及早嚴爭。恐俄兵無撤退之日也云。

◎蒙古密約 俄人因滿洲條約不廢其望。故擬專占蒙古利益。茲悉當俄使與王文韶議滿洲約時。我

政府各大臣頗有門戶之見。劉張袁三督極以蒙古密約為不然。而慶邸諸人則謂甯棄蒙古不可與以滿洲。日前蒙古諸旗心懷反側者。職是故也。迨裕德往蒙古查辦時。見俄人一切設施。乃匆匆歸京。將所聞所見情形。面告諸王大臣。于是京內外皆大驚懼。然仍多以棄滿洲不如棄蒙古為辭者。觀此則王文韶之口約。其即指蒙古無疑。不然何俄人居之不疑。而我政府受之若素也。

◎西藏密約 據初十日日本報載北京特報言。駐北京俄使雷薩爾。屢以西藏一帶地方歸中俄兩國施行協同統治政體。與軍機大臣榮祿等密議。日前俄親王來遊北京時。經已數次交涉。促此問題之速成。俄使又于上月廿九日訪問榮祿。將密約條項提出。迫其決答。榮祿以事屬重大。不能獨斷。當請命太后。乃決可否。為詞。此事為袁世凱所探知。目下極力斡旋。冀能挽救。且有駐北京某某兩國公使立于袁之背後。以為聲援云。茲譯錄該密約條項如下。第一款。西藏介于中國中部與俄國西伯利亞之間。實為關鍵之地。故中俄兩國當互相補救。俾該地歸于安甯。若不幸該地忽生擾亂之時。中國欲保該地之安全。俄國亦欲保國境之無事。當互相知照。派兵協助。第二款。西藏若起變亂。如有別國干涉。中俄兩國當互相聯合以抑壓之。第三款。西藏布教之事。不能任其自由。除喇嘛教及希臘教以外。其餘宗教。當禁止其信從。俾土民勿生迷疑。致生種種事故。兩國當注意此事。最為要策。至喇嘛教貫主于北京之俄國正教會。當互相講親和之道。俾兩教得以併行發達。第四款。西藏之能進于自治政體。中俄兩國固所甚望。但欲其能到此地位。係我兩國之責任。今俄國專以訓練軍隊為任。懇切信實。教育西藏上民。以文明之兵事。中國則專圖經濟上之發達。俾西藏通商貿易得以進步。

又上海報亦載有此事。與上所載。互有異同。茲并錄之。第一條。中國政府見中國危弱。願將全藏利益讓與俄國。為保存中國太平起見。第二條。俄國既得西藏利益。允保中國政府永有用人行政之權。第三條。中國內地如有亂事。若中國政府不能平定。俄國允代平定。第四條。俄國在西藏設立政府。代中國管理西藏事務。第五條。中國亦可在西藏設立領事官。第六條。中國人在西藏通商。俄國允為保護。第七條。中國有逃犯入藏。俄官允代擒捕送回中國。第八條。中國運入西藏貨物。俄國不得征收重稅。第九條。俄國地方官不得苛待土人。第十條。俄國不得以威力強西藏人信從西教。第十一條。西藏礦務鐵路全歸俄國代理。亦准中國人附股。第十二條。俄國在西藏建築砲壘鐵路。不得毀拆西藏廟宇。

◎密訂礦約 署理黑龍江將軍薩留守。前因額爾古納河及黑龍江右岸一帶礦務事宜。與駐黑龍江俄官哥羅特哥夫訂立一約。其已允俄人開採之處。分為五區。第一區。自呼倫額爾古納河交匯處。直至貝子河。其間所有礦山。概歸俄人開採。第二區。自貝子河至烏瑪河。下流額爾古納河。又名阿勒之西南岸。凡大小河流發源之地。均不得令俄人任便開採。餘處概可商辦。第三區。自庫瑪爾阿至愛理之間。所有大小河流發源之地。均不得由俄人開採。餘地概可商辦。第四區。自愛理城至觀音山之西源。暫歸俄人開採。第五區。自觀音山河東岸至托羅山之間。凡大小河流發源之處。均不得由俄人開採。而托羅山以下松花江都魯河一帶。暫歸俄人承辦。俄官訂此約時。尚思要求漠河一帶金礦。薩留守以黑龍江呼倫貝爾兩城礦產歸北洋大臣管轄。未便擅允。俄官乃謂黑龍江右岸常有匪徒萬人私採礦金。如此礦歸俄人承辦。不特可驅散匪徒。且每得金百兩。可納祖稅十五兩。于中國政府。留守感其言。領之。俄人現

已設公司五家。極力經營。而薩留守于近數日內始將詳情密奏政府云。

◎要事彙志 御史徐德沅臚列多款嚴劾陳璧其摺已交鹿傳霖查辦云。

聞榮祿面奏太后有開復翁師傅官職仍請內用之說。外務部尚書瞿鴻禨奏請政務處于關涉內政外交之件均應通知各省督撫俾辦理交涉案件皆可遵循以昭劃一。

天津已定于八月初九日交還直督收管。

近日中俄兩國因滿洲撤兵之事屢有密電往來其電云何無從探悉惟俄國仍毫無撤兵之意。大學堂工程將次告竣擬于七月招考聞先以三百名為限蓋其地並未擴充不足容五百人也。

桂撫某得缺並非內監之力實由某公使力荐蓋欲其助已成廣西礦路二事之經營某大臣近在太后前保奏李文忠長公子伯行京卿謂其辦理交涉等事大勝文忠且列邦亦均佩服等語。

袁慰帥近又為某侍御所劾大致謂其任意更張無裨實用等語摺留中未發。慶邸亦被某侍御參劾四款太后以摺中所言面詢軍機大臣業經諸大臣代為表白徐侍御增近日所

上兩次封奏均係條陳時務其中有和民教罷民捐之策尤為切中時弊。雲南有礦山八十九所現歸英法兩國人開採以六十年為限。

宗室人員向無簡放道府之例近經宗人府吏戶部議准與部院京察一等人員一律簡放。御史黃昌年日前上一封奏徐請皇上親御經筵并歷引前朝聖訓擬請每日先行御筵而後辦事其摺

中并有一切引見召對等事皇上一人已自能辦太后倦勤之年極宜節勞願養云措詞得體而用意甚深太后閱覽之下并無可否惟將其摺留中云。

◎賄賂風行 月前俄國耆親王游歷北京時攜有珍玉奇石等物通賄當道此各國人所共知者乃據所聞謂當時某邸亦曾受其重賄蓋俄人擬擠袁宮保去位而易一俄黨也某邸自德國抽回鴉片一案

德國嘗因鴉片稅事嘗許重賄某邸今已不復如前約納賄矣財政頗形支絀故勉受俄賄為一時權宜之計無如受賄後無力足去袁日前商諸軍機大臣請將袁宮保調補陶方帥之後任而軍機諸公亦啗啗不敢出口云蓋袁久恃英

日為後援他人固不得擠而去之也。

◎密策蒙古 袁宮保近圖蒙古事密上一摺大畧分為五綱第一謂蒙古為北方屏藩當與東三省并重行政諸法自不得不與東三省同時更改即應新置督撫大員并以忠勇耐勞之士任為補官其制一

仿各直省第二宜隨地隨時招屯督標撫標提標各軍第三宜設交通機關俾行政及其他事宜得以措手第四獎厲農業以資民生第五凡有無端崇拜洋人妄肆紛擾者宜處以嚴刑又附片請設法嚴拒洋

人在內地致惑愚民云。

◎會議商稅 呂盛雨大臣暨英使馬凱君在鄂與張制軍所議商稅事宜茲據所聞列後加稅免厘一

款現議定稅則加至值百抽十二五而裁去百貨厘金止留鹽厘土厘兩大宗均自西歷一千九百零五年正月為始開內地作通商口岸一款聞議定添開安慶長沙萬縣惠州四處此外馬大臣又力索三款謂中國如允許則從前所定之商約可以作廢其三款即一依英國之意改定礦務章程一推廣光緒二

十四年總理衙門所特許之內港行輪辦法。一、援引道光廿二年江甯條約所載。准外人得雜居各城鎮。張制軍相持既久。亦開出兩款。向馬大臣指索。一、為收回治外法權。一、為清查教務。馬大臣皆不允。磋商許久。乃議兩款如下。一、英國允俟中國改定法律及裁判章程後。將僑居中國之英國人。由中國管轄。一、允各省特派專員會同主教。清查教務。妥善辦法。前兩款議妥。乃允英國以下開之三款。一、儘一年內中國採取英國及印度與其他各國現行之通共開礦章程。自行修改。向來未臻盡善之章程。二、允內港行駛小輪。而廢去永租地皮之例。概以二十五年為限。三、道光二十二年江甯條約內所載。許外人得雜居城鎮。茲不復提及。而可以推廣外人居住之界址。以上諸款。均已商議妥洽。俟奉到各本國諭旨後。即可定局。

○開缺緣由。王侍御乃微。日前曾遞封奏。稱四川拳匪大熾。皆總督奎俊等之罪。滙陳十餘款。并聲明奎乃榮祿胞叔。故劣跡久著。無人敢參等語。前月二十三日。已有旨將四川提督藩司等官全行更調他省。而成都府阿麟有縱匪情事。立即革職。惟奎則依然如故。高侍御憐因之。亦于是日彈劾。摺中所陳。與王侍御略同。故有奎俊著開缺之旨。

○修律延期。修改律例。早已派定沈侍郎伍京卿。惟政府本意。只欲略採西法。修而不改。今東南各督擬請大加更改。以收治外之權。而迂腐無識之輩。必出而阻撓。故朝廷于此。尚未定議。沈伍二君亦無從動手。

○仇視新學。據聞現政府中頑固者。慮大學堂告成後。學生皆喜新學。則必與伊黨為敵。故凡承辦大

學堂各員。稍有未妥處。伊黨即聳人奏參。因此現大學堂大臣頗為掣肘。目下張百熙時時為人參劾。恐難久安其位云。

○擬興海軍。直隸總督袁世凱。今春曾奏陳復海軍事宜。每年酌籌一百十萬兩。為常川經費等因。已紀前報。茲據東報所載。本月初七日。袁復上一書。妥籌章程六項如下。一、廢北洋南洋之名稱。以期號令統一。且沿海警備。亦可聯絡周密。二、編定常備豫備兩項艦隊。使各異其任。常備艦隊。准備戰鬥之用。豫備艦隊。即補助常備為救援者。三、在芝罘上海南京江陰廣東設立海軍警備府五處。四、各警備府各掌其防。汎界內之警務水師統領。總理其事。五、馬尾造船廠。宜極力整頓。為將來製造軍艦水雷艇小輪船及其他軍用船之地。又宜于該廠添造砲銃等物。六、江陰宜新設海軍兵學堂一所。以訓練海軍士官。教習延聘外人。

○拘拿新黨。陝撫升允于前月。突將宋伯魯拿獲。即密電政府請旨懲辦。旋政府覆電。着其交地方官管束云云。升允所以將宋拘拿者。聞係受臬司樊增祥之欺。以冀取媚于舊黨。不料兩宮並不苛求。反責問誰令拘拿。某軍機奏稱。曾保康。某獲罪革職。兩宮諭曰。保康者均何人。曾定何罪。又一軍機曰。保康如張之洞。劉坤一。張百熙。皆自行檢舉。并未置議。外如徐致靖。李端棻等之監禁。前歲下詔維新。皆邀恩赦。兩宮怒言曰。徐李既釋。豈可再禁宋某。又厲聲曰。此究誰令拘拿者。某軍機從頭奏曰。懇從輕議。令交地方官管束。始邀旨允。以存升允顏面。

○簽約有期。中外改訂稅則。現已就緒。與約之國。未曾預議者。為俄羅斯西班牙意大利葡萄牙等四

國。蓋該四國在華貿易有限。故可樂從他國之議也。至所改稅則。可望于日內簽押。年內可期舉行。約內貨物估價。係照一千八百九十七年至一千八百九十九年結押算。其時價值較之現時略低。又海關可得年結一百之四二五稅則內所開各款。亦較前詳細。

加稅免厘。盛呂兩大臣在上海與英使開設之初。張香帥事事與之反對。幾無一條不駁。盛呂無可如何。即約馬凱君親就江鄂會議。于是十餘日之久。京中未得張奏。一日忽來一電。則事事皆已照允。并力陳此次辯爭之功。是日即旨派張之洞為商務大臣。其實所爭者不過廠稅每百抽七。加至每百抽十。及其餘數小節。畧加更改而已。其緊要條目。仍與盛呂原議無異也。

◎還津條約。天津交還條約。既承英美德法日各公使允諾。定于本月十二日舉行交收之式矣。茲據東報所載該條款要項如下。一削平大沽砲臺及其他北京海濱有碍自由交通之砲臺。今都統衙門既撤。未削平之砲臺。當交駐津列國軍司令官經理。所需經費。係從都統衙門現存之款支撥。一據議定書第九條。認中國政府維持北京海濱間之交通。占領某地之權。天津其一也。故雖都統衙門裁撤之後。聯合軍目下所占領之處。仍可繼續駐屯。一外國軍糧軍裝等。均免徵稅及附加金。一中外宜防衝突之機。故議距天津二十華里以內。中國不得駐屯軍隊。一當設沿途交通線及火車站。鐵路兩側二里之內。各國司令應有管轄之權。一凡削平之砲臺及天津城壁。中國不得再築。亦不得沈設海岸防禦。一都統衙門收支計算。為聯合軍司令官所指定者一人。直隸總督指定者一人。隨時檢查砲臺削平以後。除費用之外餘款。當交付直隸藩庫。一都統衙門當差。亦外國軍人。無論何事。不關于中國人者。

不得拖累。一外國軍所役華人。倘有背違法律者。當由軍令官自治之。中國官衙不得過問。一外國軍所需避暑之地。必當占領。一都統衙門所定目下施行之刑律。當裁撤都署之時。將清冊交付地方官。地方官須確實施行。但都統衙門所判決民事刑事詞訟。地方官不得重行審議。一都統衙門之記錄。在領事保存有利害之關係者。得取調之。一天津及都統衙門管轄之內。住民所有課稅。都統衙門行政之時。均已完清。中國政府不得再向此等人補徵。前記條款之外。並准總督府設護衛兵三百名。此次條款。雖比舊約頗有寬嚴之異。然中政府平素怠慢。故不得不承諾也。

◎還路條件。交還津榆鐵路。由胡雲榭侍郎辦理。甚為秘密。今據所聞各條件照錄如左。一因聯絡海陸起見。一旦有事。須先載兵及糧餉。此係舊年各國議定之約。一因聯絡起見。所以各國于駐紮兵隊之火車站。須派置辦事員若干。一鐵路沿途電線。同時交還中國。若各國尚有軍務。均可使用。一各國若有軍事通電。可用原來電柱。一火車站地方。尚要改移。又若推廣鐵路。中國政府須先與公司妥協商議。一交還之時。所有俄國專管之山海關火車站。須同時還付。一以上各國意見。相同定於西歷八月十四號還付。附件。一自張家口到北京之鐵路。中國政府須以自力經營之。不得仰他國之助力。并為押當。一自通州至秦皇島。又自保定至天津之鐵路。以後若別有布置。公司任之。

◎奉天善後。奉天西南一帶俄兵。已定于華八月內一律撤退。惟鐵路衛隊。不在此例。計分布各處俄兵。統砲馬步工四項。共二萬三千餘人。撤退後。即應調華兵接防。但目前瀋營無多。不敷分布。武衛前軍。又未能悉數調赴關外。亟須添募新軍。趕行操練。以便屆期接替。增將軍以事難從緩。而餉無從措。疊次

軍商軍機處暨北洋大臣。聞政府之意。須俟袁慰帥來京。方能商定云。

○諭令簽押。政府有旨諭令呂盛兩稅約大臣將所定中英商約簽押。聞兩欽使即擬于昨二十七日畫押云。

○學務支應。京師近設一學務支應局。凡京師各處學堂應用之項。皆由此局撥給支用。聞局所係設于那家胡同中學堂之內。

○學校設司。直督袁宮保以直隸省會暨各府廳州縣偏立學堂。端緒紛繁。必須有人總司學務。特奏設學校司。設督辦一員。以董其成。其中區分三處。一專門教育處。一普通教育處。一編譯處。各置總辦一員。分理其事。奏保在籍前湖南按察使胡景桂為督辦。翰林院庶吉士丁惟魯為專門教育處總辦。北洋學習翰林院編修王景禧為普通教育處總辦。并暫兼編譯處總辦事宜。

○奏陳新政。肅親王曾于昨十七日具摺奏陳新政事宜。其最要者共有五端。一宜獎厲海外游學諸生。一宜擴充海陸各軍及各省警察。一宜大興工藝。如機器製造紡織棉布等。一宜嚴定敷設鐵路權限。不宜濫許外人。一宜通飭各省。議訂防匪善策。以期消患無形。

○大學招考。京師大學堂章程。雖經奏准。惟今歲止能先將師範學堂及仕學院開辦。仕學院專招京官五品以下外官四品以下諸生。在京城招考。師範學堂。則大省取七名。中省取五名。小省取三名。由省督撫于八月底招考。考取後。給予川資送京。

○交路延期。關內外鐵路。本訂于七月十一日交還。茲聞忽爾變議。至今未有准期。其故蓋有二。一

沿鐵路車站。應派華兵駐守。胡燏棻擬派二千名。英國只准五百名。此事未定。故屆期所以不交也。有云實由俄國暗囑法國阻撓。因自牛莊至山海關相近處。中有一段。乃俄國借款。恐不能到手故也。

又聞鐵路未交之故。實俄人有不願早交之意。因鐵路一交。俄于牛莊即少入許多款項。而又迫于英人已許。碍難堅執。乃托詞于十一日係為英人所許。未與俄謀。俄非英屬。豈有英步亦步。英趨亦趨之理云。

又聞其中為難者尚有一節。蓋關內外鐵路。與山海關萬里長城兩傍之車站。本不聯絡。庚子之亂。俄人即將該處城垣拆毀。敷設鐵路。使兩路得以連絡。故此段鐵路。約二里許。既不屬關內。又不屬關外。刻俄使即向中國全權聲言。不肯交還此段鐵路。

又聞瞿鴻禨胡燏棻曾于十六日會同往見俄使。詰其關外鐵路當于何日交還。乃俄使竟藉口線路附近馬賊猖獗。游移其說。不肯還許云。

又聞法國亦生齟齬。謂天津保定一帶鐵路。原為法國人修築。該路權利。應歸法人獨攬云。

○商派游歷。近聞袁世凱密商于某國公使。請選派學識均優之某國人數員。以游歷為名。赴某一帶地方。查看俄人動靜。其一切資斧。皆由袁供給。聞該公使業已允為照辦。并深佩袁之深謀遠慮。能知大體云。

○駐俄使電。駐俄欽差胡惟德。日前電達外務部云。接俄外務照會。稱恰克圖庫倫等處。盜匪充斥。有碍商務。將調可薩克兵駐防土謝圖境。以資保護云云。雖經堅辭拒絕。而彼藉口保商。意在必行。務請速

咨該將軍都統添募若干營分防各處以清盜匪庶可杜其口實否則恐非筆舌所能挽回云云

◎得一失一 當各公使議還天津時某公使動輒掣肘逮王之春得巡撫廣西之命參議約文諸事遂皆易于就緒外間頗疑之茲聞當時王曾與某使訂定密約以廣西半省為酬求其贊成天津之議故某使即時改易政策云獨惜挽回者天津一埠之權失去者廣西半省之權耳

◎要求金礦 俄人近向外務部要求承辦東三省金礦願以十成之一報效中國政府外務部某公將允某總辦聞之力阻此議謂即使以八成歸商二成歸官華商亦未有不願承辦者何必讓與俄人

◎整頓侍衛 徐侍御德沅呈遞封奏條陳整頓侍衛處其大意謂武科侍衛除值日外無事可辦其中束身自好者固不乏人而不知自愛之流亦復不少應請仿照翰林院章程嚴定功課能文者試韜鈴策論不能文者習測量槍砲優者量加升擢劣者予以處分云云聞已奉旨交領侍衛內大臣核議因設館置器籌款維艱始將作罷論云

◎總務難興 侍郎貽穀辦理東三省總務至今尚無頭緒雖查得私墾之地甚多然非曰教產則曰蒙民且多已墮于俄民為俄領事收租之地頭皆繁多無從着手聞僅就現查出之地其中已多與俄人轉轄非三四十萬金不能贖回云

◎試辦農務 近有日本留學生歐陽穎胡宗瀛兩君具稟于直督袁宮保處請在直省先行試辦農務公司以為各省表率以期推行全國並附呈所擬章程九則均其辭妥聞宮保大為嘉納已批令與農務局籌商會辦矣

◎永遠監禁 宋伯魯在陝被拘奉旨交地方官管束已紀前報茲聞陝撫升允奉旨後又復奏陳略謂該革員不安本分罪惡昭著應如何加重辦理伏候聖裁等語故又奉旨着永遠監禁

◎張園會議 昨十九日午後上海志士在張園安愷第聚會約二百餘人所議擬辦協助亞東游學會聞擬專派會員親赴東京商定將來中國人願入成城學校者可以徑由會中保送以免內地有志游學者因入校艱難懷疑裹足云云

◎連英有子 李連英有兄弟三人各以一子過房與連英為嗣李皆為捐納郎中分部行走李福德分兵部李福立分刑部李福海本月亦辦驗看分部三人皆少不更事捐官後始遍處向人探詢某部有何差使有何好處現在李福德已得兵部司務廳辦差惟刑部得差須按資格深科分先後絲毫不能遷就將來李福立必須別尋保舉云聞此事京中大招物議有謂係連英親子云

◎教士被害 湖南辰州近起一教案因該處疫甚盛教士于各處佈散醫藥有服之無效而死者于是土民紛紛謠傳謂教士施放毒藥糾眾攻打各處教堂教士被害二名英領事聞信即致電湘撫及洋務局詢問而官場茫然不知蓋未據該處地方官稟報也湘撫得電後迅派勇丁前往彈壓英領事館亦派兵艦赴岳擬巡駛常德登陸赴辰查辦云

◎京師大學堂章程(第一章綱領)第一節 京師大學堂之設所以激發忠愛開通智慧振興實業謹遵此次諭旨端正趨向造就通才為全學之綱領(第二節)中國聖經垂訓以倫常道德為先外國學堂於智育體育之外尤重德育中外立教本有相同之理今無論京外大小學堂於修身倫理一門視

他學科更宜注意為培植人材之始基。(第三節) 歐美日本所以立國。國各不同。中國政教風俗亦自有所立國之本。所有學堂人等。自教習總辦提調學生諸人。有明倡異說。干犯國憲。又與名教綱常顯相違背者。查有實據。輕則斥退。重則究辦。(第四節) 京師大學堂主持教育。宜合通國之精神脈絡。而統籌之。現奉諭旨一切條規。即以頒行各省。將來全國學校事宜。請由京師大學堂將應調查各項擬定格式簿。分門羅列。頒發各處學堂。於每歲散學後。將學堂各項情形。照格填註。通報京師大學堂。俟彙齊每年編訂成書。恭呈御覽。(第五節) 京師大學堂本為各省學堂卒業生升入專門正科之地。無省學則大學堂之學生無所取材。今議先立豫備一科。本一時權宜之計。故一年之內。各省必將高等學堂暨府廳州縣中小學堂一律辦齊。如有敷衍遲延。大學堂屆期請旨嚴催辦理。(第六節) 同文館歸併之後。經費無著。變通辦法。擬於豫備速成兩科中設英法俄德日本五國語言文字之專科。延聘外國教習講授。(第七節) 學堂開設之初。欲求教員最重師範。現於速成科特立專門之外。仍擬酌派數十人赴歐美日本諸邦學習教育之法。俟二三年後卒業回華。為各處學堂教習。(第八節) 現在諸事創舉。尚待考求一切章程。勢不能悉臻完善。所有增添更改之處。應准隨時陳奏辦理。(第九節) 此次所奏定章程。擬譯成西文東文各一分。俾外國教習一律照辦。不得歧誤。(第十節) 環球各國。合上下之精神材力。尤注重練兵。兵之所以精。則以通國皆兵。又無一不出於學。中國陸軍海軍應請廣立專門學堂。不在各學分科之內。(第十一節) 約束學生規則及辦事章程。此次奏定各條。皆係約舉大要。其涉於繁碎者。須俟開辦後。體察情形。詳立各門。以資遵守。

○籌款新章 京師擬設順直籌款局一事。茲聞陳璧與袁世凱議定。先將各州縣所有賦稅陋規各項進款。盡行歸入籌款局。可以積成巨款。至州縣辦公之費。擬分繁簡。每月津貼一二百金不等云。

○保舉新章 御史部近重定保舉新例。其大略如下。一專使出洋。不得保舉。必俟駐外洋三年任滿。方許以異常開保。一軍營出力。准保異常。一洋務交涉。乃地方官職。分應為之事。不得輒以辦理得法開保。必俟三年無過。亦只准保尋常一次。又翎枝非軍功不能開保。

○被劾述聞 御史王昌年于七月二十六日具摺嚴參陳京兆壁。并涉及某相某尚書。詳述其拜門迎合結黨袒護情形。淋漓盡致。不留餘地。又將上次查辦之摺。逐條痛駁。正摺之外。又將陳氏私罪另開一單。共計六條。如買民女為妾。宋大脚之女。某捕頭之妹。皆能實指其名。及丁惟忠如何為之物色情狀。並言陳身為地方大員。并漁色及於彈子班歌妓。以致某妓等在外招搖。陳在籍為紳士。氣談極大。強令地方官派專輪排隊迎接。及去年至吏部查案時。欲獨據中座。如管部王爺中堂者。然吏部不可僅置之私堂。於是大怒。今年張尚書到吏部。始到大堂入座一次。位在侍郎之上。尚書之次。又會辦五城時。亦係居中特設一座。此外歷數其為街道御史時。外面極能做事。時人稱之。而其暗中索賄。如同仁堂藥店。瑞蚨祥。綢緞店。皆有實事可證云云。摺既上。因涉樞臣。故全案不便追究。惟順天府大班王進祿一摺。因係命案。不能湮沒。故特提出此案。交刑部提人證歸案審訊。陳壁既知又被參劾。當求入代擬一摺。請將五城會辦開去。以冀暫息物議。保全本職。連夜繕寫。於廿八日入奏。旋即奉旨將會辦一差。准其開去云。

○榮相之言 駐日使與留學生。兩不相能。眾議紛紜。莫衷一是。近日傳聞政府本有更換公使之意。

嗣為榮相所止謂無論祭之是非斷不能因學生之言而易公使今更換事至易耳倘將來學生相習成風其所失更多云

◎總教被議 京師大學堂總教習吳學允京卿游東時東人士頗厚遇之北京頑固大臣等因即譏于慶邸曰吳汝綸現在東洋主持民權自由之說不先殺之不足以警眾也云

◎稅逾常額 崇文門稅務歷任每年只交十三萬兩肅邸自充監督以來洋兵退後北京交還不過一年零二十餘日而收數至七十餘萬之多除一切經費實用外全數解納洵自立稅司以來絕無僅有之事按外省厘捐收數逾額常有請獎之舉今崇文門當交涉繁難之際收數逾額多至數倍吏部竟將保案議駁想其中必有他故也又聞慶邸相接辦崇文門稅務後一切政令均尚寬大近日官商之入城者或查或不查不似肅邸前時之嚴禁需索認真搜查故一時官商人等交口稱便

◎奉天將軍 奉天將軍增祺與俄人交接事事降心相從另訂有永遠保護其身家之私約故一切設施悉遵俄人之意旨聞其迭次奉報之俄人在奉情形皆掩飾迴護未可深信前次裕尚書擬揭參之到奉後增將軍即百計迎合彌縫得保無事近日中國官民無不亟思東三省俄兵之速退關外鐵路之交還而增將軍私意則適與此相反對政府以其在俄人範圍之中不得不敷衍之且不得不稱慰之云

◎交路近聞 聞交還鐵路一節中國擬請英國先行交還使俄人無所藉口近與英國公使再三會商聞已有首肯之意云

又聞關外及遼河西南一帶鐵路俄人已允於西十月六號以前交還關內鐵路英人亦允於一禮拜內

交還云

◎西藏交涉 聞西藏交涉日來頗為棘手政府諸公一再籌商尚無定見

又聞自俄人欲使西藏自立以便已圖以來西藏遂有不穩之勢近日動機稍作英人已派兵至哲孟雄云

◎俄人照會 聞俄人昨有照會外部云貴國與英人所訂商約殊失中國自主之權若果無異議則東三省地面斷難依限交還外部已達政府諸公明知其有意尋隙尚不知作何答詞

◎劾案紀聞 王御史乃微日前封奏參劾外部尚書瞿鴻禨畧謂瞿不諳交涉而擅作威福每到外部時順指氣使藐視一切雖慶邸王相皆不在目中請旨嚴行申飭以示警惕云云瞿見此摺當即碰頭請開去外部差使太后溫慰數語次日又具摺請開去重要差缺遂有初五日諭旨有該尚書認真不辭勞苦等語獎勵備至

又此次所議加稅免厘等款係與英使馬凱君獨商并非與各國公議蓋英在中國商務最大乙未李文忠親赴歐美各大國而商加稅各國皆允以英為衡故此大議約先與英使獨商之緣由也然馬凱君雖允究係一國之事不能遽指為各國皆允乃七月二十六日所降加稅免釐之旨詞氣含渾謂與各國業經議定當時外部左丞瑞良當即請為改正乃瞿大怒曰我不管他是何國上諭擬定誰敢妄改一字電旨既發當日即接七次覆電力言此旨不妥瞿仍悍然不顧既而英使馬凱君挑駁遂將業經改為一經故王摺實糾參并言其身為外部尚書于此等大事尚不了了任意驕傲不能虛心致有此誤請旨申飭

以警將來云

又王摺既上太后見之甚怒諭曰此無他不過我所用之人總不好將立召侍御入對時某相在側因言御史妄劾人固極可恨惟政府事極繁重誠恐不免疏忽之處奴才與共事諸臣惟有有則改之無則加勉以息眾謗而對聖明云云太后乃已越日宴見太后復提及王乃徵事某相曰御史參劾政府此亦無怪連上數封奏則今年歲收多收數分不憂無度歲實矣太后大笑然猶深惡王不已

◎交涉不諧 某侍御前劾某尚書內有兩事一為正陽門內東棋盤街路東官廳後邊有方地一區界連美國兵房本未劃入使館界內去年美人曾照會蹕路工程處請將該地闢為花園准許中外人民遊覽蓋恐洩漏汗穢之氣既脫之地必更加甚也其時陳慶龍在局揚言我但能辦蹕路不問交涉其後美人言之于外部外部不答美人以為中國已棄此地乃于周圍樹以木柵圍作操場一為兵部街工部街兩處道路亦不在使館界內前經英使照會外部請將此道修治外部日久不覆於是英人越界代修既修之後不准中國車馬行走此二事原屬細微但外部似此顛項更何能辦理他事詎王相某日到署傳集丞參以下各官謂本署公事外間從何得知此必本署有人洩漏必須查究某君對曰本署中人未必有心洩漏且洩漏者必不自認况本署不言而洋人能言之外國報紙能言之此事恐難查究王相曰果能認真根究必有頭緒某君復曰非但此事難查即本署所辦交涉既名交涉斷不能秘密現在各國互相猜忌公事愈形棘手似不如明白宣布轉可彼此曉然免致誤會也王相曰總當處處謹慎於是各官諾諾而退

◎書吏難裁 六部公事除刑部向不仰仗書吏外餘均惟書吏之命是聽其故由於例案繁多司官通籍以前既未問津到署以後留心者亦少且案件均由書吏攜回其家故能熟悉政府但恨書吏而不知令司員學習公事斷無成效平心而論書吏所領之薪銀至薄而所辦之事委曲繁重日前兵部某官受友人之託辦理世職引見之事書吏以為不合例詎此友自與該吏說項立即辦妥又有吏部某司官偶指其錯該吏卻自行求退復經他司官一再慰留而後已蓋從前司官可申斥書吏書吏欲退仍可責令留充現在書吏既係奉旨裁革彼等欲退則退故反有所挾持也

◎東三省改革問題 俄國駐屯兵在滿洲撤退後滿洲守備兵之編制軍機處查察情形以為宜大加改革馬軍門與袁少保各主一說馬軍門曰滿洲因匪事變經俄國佔據民情風俗為之大異民心復多傾向俄人然其地為國家發祥之地士氣尚有可振作者雖以時勢之變遷不得不行自然之改革然改革一兩端已可宜稍存舊制袁少保則反之全主革新之見軍機處不能定遂電劉張兩督各陳意見俟得劉張兩督之復再會議商定云

◎宰相受禮 榮相女公子指婚為醮王福晉於八月念八送奩念九吉期太后曾賞銀一萬為之治奩而京內外各官之致送禮物者猶有其門如市應接不暇之勢聞京官之送禮者至少非數千金不能出手外官則動以千計榮相一概全數拜登說者謂此兩月中足有百萬入款而自去年回京以來當有千萬云

◎尚知大體 河南巡撫錫良經教士請留已見他報茲聞錫有電達政府并遞專摺力請離豫略謂朝

廷黜陟自有微權。疆臣去留。豈可惟外人之言是聽。如教士可留督撫。教民尤而效之。異日必至留州縣矣。履霜堅冰。端不可開。請旨着新撫張人駿。迅即到任。奴才情愿赴熱河本任。為國家効力云云。按自庚子以來。外省大小官吏。因外人一言而定去留者。不知凡幾。政權外移。莫此為甚。錫能作此言。可謂能知大體者。

○礦章述聞 中國礦務新章。利外人而不利國民。故呂盛二大臣與劉張二總督力爭未允更改。及英使亦不滿意。方有著劉坤一張之洞採取各國礦章詳加參酌。妥議章程之旨。說者謂自新章出後。中國人自請開辦礦路等。外部批駁。已有三百六十餘件之多。凡外人所請。十有八九可成。無他。所謂酬應周到。不周到也。章程雖再訂而善。其能免此弊哉。

○營口近聞 新任營口道明保。本擬八月十五日蒞任。嗣俄撫葛畢沙爾宣言。謂該道如果欲來營接任。所帶兵役人等。衣袖中必須繡以俄國旗號。以示崇拜俄國之意。否則不准來營云云。故明頗有進退兩難之勢。

○交路傳聞 聞關外鐵路已有交還之信。日前外部奏請派員接收。聞已派袁慰帥接收關外之路。其附近營口之路。歸奉天府將軍增祺接收。又聞鐵路總辦楊士琦已由津起程往山海關預備接收各事宜矣。

○葡使要求 葡萄牙駐京使臣。近曾屢至外部力請。允准澳門定界。意欲趁此商約未定。故以勘界為名。以便任其推廣。慶邸力持不可。葡使仍再三要求。并聲言商約加稅一事。須各國皆允。方可施行。其意以為如不允其定界。彼即從中阻撓。此乃言外意也。慶邸答以須先派委員查明。方能定議。萬無此時慨允之理。此事已會議數次。現仍相持不下云。

又聞所要求者有兩事。一即推廣租界而以勘界為詞。一欲由澳門造一鐵路。逕達粵省。此事已由外部照允。惟澳界一節則未定云。

○特予優差 李總管連英之猶子。有分戶部者。到部即得帶稿優差。此差有辦事十餘年而尚難得者。緣榮中堂叮囑再四。謂李亂後甚苦。此次其姪輩捐官。出于老佛爺見憐。賞給捐款銀兩。實不能與尋常納捐同日語也。

○江督逝世 兩江總督劉坤一。以本月五日逝世。享年七十三歲。初六日即奉上諭哀悼。賜卹。照錄如下。兩江總督劉坤一。秉性公忠。才猷宏遠。由諸生起家。軍旅屢建功勳。洊歷封圻。克勤厥職。嗣簡兩江總督。兼充南洋大臣。十餘年來。鎮撫地方。軍民愛戴。辦理交涉。悉協機宜。前年近畿之亂。該督保障東南。匡扶大局。厥功尤著。老成碩望。實為國家柱石之臣。前因患病。迭次賞假。並頒給人參。藉資調理。方冀早得就痊。復膺倚任。遽聞溘逝。震悼良深。劉坤一著加恩。追封一等男爵。晉贈太傅。照總督例。賜卹。賞銀一千兩。治喪。由江甯藩庫給發。賜祭一壇。派署江甯將軍。額勒春前往致祭。予諡忠誠。入祀京師賢良祠。生平事跡。宜付國史館。任內一切處分。悉予開復。應得卹典。該衙門察例具奏。靈柩回籍時。沿途地方官妥為照料。該督子孫幾人。著張之洞迅速查明具奏。候旨施恩。用示篤念。蓋臣至意云云。

○貝子條陳 振貝子此次環游各國。于歐美各邦政治。大為心折。到京後以中國宜仿效歐美。亟應改

革數大端。陳奏朝廷。茲錄其大要如下。一王公貝勒及大員子弟宜入營伍親習戎事。一二品以上大員應派令出洋游歷。一應仿西法。國人均當充當兵役。一山西陝西四川諸省多設製造局。一各省府縣應編設工藝局仿製洋貨。一廢寺院興學堂以興儒教。一民間子弟十歲以上者均令入學肄業。否則惟其父母是問。一各省宜設警察。一各省宜設專門學校。講究法律政治等學。以備將來收回治外法權地步。

○宴會記聞 月之二日。皇太后賜宴各國公使夫人。當日各國公使夫人偕參贊官夫人暨譯員。乘肩輿先集會於萬壽寺小憩。遂同坐官舫共四支。以小火輪曳之而行。至萬壽山先有美公使在座。代為介紹。宮中承應者為李總管運英外務部侍郎那桐侍郎聯芳。相見後同至玉蘭殿覲見。禮畢。皇太后下階握手慰問曰。爾好啊。極形親洽。寒溫畢。即在樂壽殿張設筵宴。席分為二。一席皇太后皇上皇后主之一。席慶王王中堂及那聯二侍郎主之。席間旅航交錯。問答和親。宴畢。主賓同乘船泛遊昆明湖。在龍王廟小憩。復以茶食進。太后賜公使夫人御筆山水畫本。至三鐘後始興辭而歸去。

○太后慈訓 近日皇太后每見大小臣工。遇漢臣則諭曰。洋人尚講面子。你們總得好好敷衍他。遇滿臣則諭曰。咱們總得自己想好。不要想靠別的人。亦不要忘了近來的恥辱。是豈傳者過乎。胡時至今日。猶存滿漢之界於言外乎。

○此說何來 此次政府有於直省添設巡撫之說。聞該議實榮相主持其間。蓋欲削直隸總督之權勢也。現馬軍門於奏事之節。必與總督聯銜。嘗致向章。提督專摺保人。皆欽差也。馬提督非欽差。而有保人

之權。是皆所以削總督之權勢也。今添設巡撫之說。雖未確信。亦可見政府現在之情形矣。

○改革滿洲兵制述聞 政府以滿洲俄兵撤退後。極宜編制守備隊。遂將袁慰帥馬景帥條陳嚴加核議。決定辦法如下。一滿洲自被俄兵佔據後。政治商業。及民間風俗習尚。俱皆變化。今宜究其本原。極力改革。二滿洲之民。素稱慍悍。時常違背政令。抗拒王命。今非訓練精兵。製備新式器械。不足壓制。

三滿洲各省居民。受俄兵之壓制者。已兩三年之久。畏俄兵頗深。今若更以舊日兵勇。必招居民輕侮。易生事端。故宜從長改革。以除積習。

○奏定蒙古官制 蒙古官制及一切政治。已由政務處軍機處會同將直督袁慰帥原擬條陳。反覆詳議。前月十一日始行決定。經御前大臣肅親王具奏。已蒙俞允。今舉其要旨如下。一設蒙古總督。駐劄庫倫府。兼管一切軍務。二蒙古總督之下。設政務參謀軍務參謀各一員。三蒙古總督每年須召集

各地酋長一次。親詢地方政治。並勸化一切。以圖政治進步。四總督轄內各要隘。設置提督及廳州縣各官。五招練警衛隊。駐屯隊及防備隊三軍。其軍制如左。一警衛隊隸於蒙古總督。征討及警備諸制均由總督命令。一駐屯隊各兵。平時可各謀生業。有事之秋。聽總督調遣。一防備隊專任防守之責。須精強新練之兵充之。六於各要地置政治監察官。監察在蒙古之外國人。及政治商業諸務。隨時稟報總督。

○交路誌聞 關外鐵路。俄國於上月廿七日交還。關內鐵路。英國亦于廿八日交還。茲聞兩國交還關內外鐵路。忽然如此之速者。蓋英人當時有關內鐵路。自當先還。但俄國若至期不還。則英雖交仍當索

歲之老后。氣象如何活潑。驟論皇嗣之冊立。究在何時。尚不可測。乃大官中與皇族有姻親者。已紛紛以皇嗣之問題為談柄。宮中解事者之語。以為又有一紛爭皇嗣問題者。早晚必有之大問題。使此種問題。僅為宮中之事而已。則可勿論。恐二三強國欲扶植自己之勢力。遂迎此機會。各試其智術。亦題中應有之義也。

◎別設大員。直隸添設巡撫一缺。早有所聞。茲探得此議已確。謂將派一旗員以為監守之責。如不設巡撫。亦當派欽差大員為海防大臣云。

◎練兵確聞。聞皇太后將調出使德國之慶都統昌回國。即派辦張家口督練旗兵事宜。惟此舉甚秘。外間皆未能得其詳耳。

◎陝督密函。近聞陝甘總督松蕃有致政府密函。係論董福祥之事。蓋董自奪職後。初居空峒山。現居固原屬之黑城子。遣部下作一大堡。牆高池深。收聚原部六十營之軍火。以為久據之地。松督曾派甘涼道白遇道知府王式柏。變裝易服。輕騎簡從。前往查探一切。董乃與約四條。如能照辦。即當遣散。以了此餘年。一日請專摺代奏。伸雪渠本受某革部某相節制。令打洋人。不甘受禍。首罪名。二曰渠部下各回弁。須各任實缺。以免鼓噪。三曰馬安良為渠仇人。須促赴伊犁。渠始能安枕。四曰渠之各部。雖奉旨裁撤。現仍存十餘營。人須將餉銀扣至本年八月。如數發給。以為遣散之資云。松督恐其終成巨患。故以此番情形與政府密商辦法。以杜後患。

◎官捐交議近聞。徐御史頃前遞官捐一摺。略謂國家貧困。既已取之於民。不妨取之於官。同是食毛踐土之人。何忍吝而不與。近日之官。十倍於昔。皆以捐項太便宜。故凡候補人員。分四項派捐。如保舉。如分發。如花樣。如改指省等事。不論到省有年者。亦應報効若干。自道府起。至伍貳止。并請督撫嚴察。務令實自官出。不得藉端取巧。或累及民。或累及商。有京官貧乏可免之說。一似專注意于外官之捐班者。已有旨交吏部兵三部會議。大約武職亦在其內。聞此事不以為然者頗多云。

又聞此議業經鹿大軍機議准兩條。一係以捐納得實缺者。概令補足十成。一係實缺外官量缺報効。◎辰州教案。聞辰州教案。漢口英國領事現與蔡伯浩觀察推前議。要挾多端。其最甚者。須將蔡觀察革職。永不敘用。辰州紳富派賠償金一萬磅。殺字營統領顏武林。須正法。并聞英國已派有兵艦數艘。前往漢口云。

又聞十七日。頤和園宴待各國公使。是日英國欽使薩道義君。獨辭不赴之故。多謂由辰州教案未結。是以謝却。茲經詳加探訪。英使不惟於辰州一事致怒。且因湘撫前致外務部專電內有夷字。為英欽使所見。以有悖歷次諭旨。為藉口。峻而拒之。蓋薩道義君頗識華文。故也。

◎密約兩誌。中俄密約。外間所傳。均與外務部正稿迥不相同。外間所傳者。有十三條。真稿祇六條。俄人不許中國兵運砲入東三省。王中堂已將此條改去。亦不言運砲與否。為稍異云。又西藏密約。外間所傳。亦非真實底稿。底稿中有將新疆至伊犁許俄人添設一鐵路。為中俄共有之利權云云。此亦駭人聽者也。

◎上海撤兵問題。據西電言。各國現復將上海駐兵撤退事商議。所議退兵章程。一為各國須按照預

定章程同時退兵。二為退兵後如有復行派兵至滬者。其餘各國均可照辦。德政府以不欲各國再派兵至滬。故第二款中復補一言云。中國不能在揚子江一帶以武備及他項專利施與他國。以背大開門戶之政策。此節中國政府亦已允准云云。

又言此次德法兩國所訂撤退駐滬防兵條約。英國不以為然。其故由約中專指中國不得允准各國擅專揚子江各屬一切利權。并不涉及別處口岸之故。

◎交路後聞。關內鐵路業經英國等交還等情。已見前報。茲聞英人尚須掌管鐵路二年之久。一切出入款項均由匯豐銀行經管。該路原欠匯豐墊款百餘萬金。應繳息銀亦由英人代付。與中國辦法無異。故交替後亦祇簿書數十冊而已。

◎推拓公界。京師東交民巷本為列國園作公界。茲聞各國復擬推拓至東便門內為列國操場。與東交民巷放一直線。佔用民房甚多。均須一律拆毀。並聞當由賠款項下留撥若干分償民間地價云。

◎營口近聞。增將軍得俄人力。留任奉天。所有一切交涉。俄人喜其順從。極願與之辦理。然頗有藐視之意。前於省城中見將軍出署。俄弁俄兵大都於途間戲侮之。及至俄署。甚有不出迎迓者。而將軍均以大度包容之。日前曾來營口商辦地方事宜。旋至俄兵艦拜會。俄將僅令吹笛相迎。並未升炮致敬。人皆疑之。未幾英日等國領事官亦詣艦會晤。俄將即各升炮若干門。以相迎迓。而表敬意。此雖微事。而俄人之輕視我國亦可概見。

前有九月內交還營口之說。故華帶兵官皆將隊伍整頓預備開至營口駐防。亦有將前隊徑行開來營

口左近者。乃俄人不退出。華兵只得在營東一帶暫駐。而俄人又以華兵既來。恐有他意。又將借口于此以相留難。

◎日本專約。日本政府因滿洲開關商埠。特與中國議訂條約如左。一盛京省境內外人可任便游歷。二盛京將軍接待各國官民。須歸一律。三開關商埠後海外貨物。可任便運往滿洲貿易。四一切交涉章程。應與南方各省相同。凡外人寄居者。應由滿洲地方官保其身命財產。

◎澳門定約。澳門劃界之約。已於十四日下午經葡萄牙公使在外務部簽押。約中最要之款。一係葡人擴充租界之議。作為罷論。二為華人允准葡人造路。由澳門至廣東省城。三為華人在澳門邊界所設之小抽稅關。此後一律裁撤。可在澳門設一總稅關。以便商人。按此約條。屬兩有裨益。於中國尚無損害。庚子亂後和約十二款中。所定百分抽五之進口稅。葡人始終不認。迨此約告成。始為承認。所以准中國在澳門設稅關也。

◎謀國者言。聞某王大臣與某相道及近日時事。殊多棘手。不變固無一成不易之規。變亦無萬全不弊之政。為之奈何。某相曰。中國迫于強敵。加以寇盜。因之以飢饉。岌岌乎有不可終日之勢。守舊亡維新亦亡。同一亡也。吾以為維新首講學。學于東洋乎。東洋之羽翼也。學于西洋乎。西洋之羽翼也。推之十八行省。人人談自由。人人談平等。無一非維新之徒。即無一非與朝廷作對。維新之亡。恐其亡也速。守舊之亡。則其亡也緩。凡害去其重者。從其輕者而已。某王大臣起立曰。敬聞命矣。若是謀國。可謂慮深慮遠矣。

◎又議恩科 頃聞李總管以下之某總管云。皇太后千支逢甲不吉。而整壽適值甲年。如甲戌年皇太后四旬萬壽。則毅廟上賓。甲申年皇太后五旬萬壽。則法兵入越南。甲午年皇太后六旬萬壽。則日本兵入高麗。割臺灣。越明年歲甲辰。乃皇太后七旬萬壽之期。尤為國家曠典。政府諸公。擬請提前一年舉行慶典。或將明年正科改至後年。或恩正並行云。

◎奏設商務部 慶親王日前曾具摺奏請添設商務部衙門。并獎勵大員前赴歐美各國考察商情。為振興商務之基礎。經政府諸公會議。均謂國家非設立商部以專責任。不足振興商務。惟擬請祇派商部大臣。不設尚書侍郎各名目。並聞有擬派瞿子玖尚書為督辦。五秩庸京堂為會辦之說。

◎擬招新軍 聞禁中堂議於武衛軍之外。再招新軍三萬人。訓練洋操。以為保衛畿輔之備。擬在八旗中招募萬人。其餘二萬人。則向各省募集。聞已請旨遵辦矣。

◎八旗練軍 聞軍機處日前傳諭。凡八旗年幼精壯子弟。十六歲以上二十二歲以下。無論馬甲護軍。開散急速報名造冊。咨送北洋。以備訓練成軍云云。

◎擬改教習 大學堂總教習吳肇甫京卿有辭退之說。於是薦舉湖南湘潭王鳴運者。紛紛聞王氏之學。原屬中國卓卓者。惟于西學則未如何。

◎斟酌盡善 袁宮保自奉鐵路大臣之命。於鐵路一切利弊。燭照無遺。聞鐵路自交還以來。所定章程。均由宮保自行手訂。會辦大臣所擬各規則。大半刪去。論者謂宮保所定各節。於中國主權。頗有裨益云。◎擬招商辦路礦 兩宮求治路礦甚急。茲聞政府諸公。擬專派大員前往各國。有華商雲集之大埠。招

集華商資本。並招聘熟習工程之中國學生來京。商辦各省之路礦。惟苦於無熟習外洋華商情形之人。可以派往。甚為躊躇。于是有薦三品京堂黃公度京卿。遵憲于某相者。又有薦前任新架坡總領事官左子興。觀察秉隆于某郎者。又有薦現辦粵漢鐵路張弼士觀察于某者。政府皆未定議。

◎議派美國留學生監督 聞政府諸公。以日本國留學生既派汪伯唐京卿為監督。中國學生留學美國者亦不乏人。聞亦擬簡派監督一員。至簡派何人。尚未議及。

◎紀關外鐵路防兵 政府諸公。以關外鐵路既已交還。自應派兵嚴加防守。已議定由北京派兵二千五百名。袁宮保部下二千五百名。奉天將軍增留守派兵五千名。共成一萬之數。以資保衛。

◎擬訂韓使覲見儀節 朝鮮簡派駐北京公使朴齊純君到京既久。尚未呈遞國書。茲聞政府瞿鹿二公云。不必宣布又某某云。朝鮮本係我藩屬。雖經日本要我認為自主之國。其覲見儀節。未能與各國一體。自應另定云云。其如何定法。則尚無所聞。

◎粵西軍事 粵西函云。近日匪徒已蔓延至邊境。如泗城池州柳州一帶。多遭蹂躪。王芄棠中丞日前已督帶大兵溯江而上。親赴南甯駐節。以便相度勦撫機宜。聞左右兩營業已與匪交綏。且屢獲勝仗。匪首周治廷等多名。均已擒獲正法。

又云。潯州匪類近益猖獗。日前某縣已被匪攻陷。其融縣近日亦有大股土匪欲圖舉事。現在時出搶掠。橫行異常。商民均紛紛避往梧州。聞王芄棠中丞已與梧州官紳會議。擬商諸西官。調派洋兵數營。同赴梧州。以資防剿云。

又月前軍機處得西撫電稱。日前某道員被匪擄去。勒贖未遂。竟將該道戕斃。蘇軍得信進剿。亦為所敗。且被奪去軍裝不少。兵士陣亡者約有數百人云。

◎謠言駭聞。北京函述京城曾有某邸將入承嗣統之駭聞。因事關重大。不敢遽信。近得消息。有皇太后頗屬意固山貝子溥倫之說。按倫貝子乃道光帝之嫡長皇曾孫。榮相之姪女婿也。外間傳說如此。此事之確否不可知。

◎擬出游歷。肅親王力求維新。素為中外所欽佩。近聞擬於明年躬親出洋。循遊歐美諸邦。藉資閱歷。以輔成新政。

◎京函錄要。榮相近擬招募新兵三萬人為護衛京畿之用。三萬人中撥出三千改練洋操。定常年經費。每年五十萬兩云。

◎改練新軍。神機營曾有改練新軍之議。以未籌得的款。故至今未辦。近因太后問及此事。刻已籌議餉章。擬即早日成軍。其營制操法。聞悉照袁軍一律辦理。現已與前聘之武備學堂各員商議辦法云。聞此軍成後。有命醇邸統帶之意。

◎升補湘撫風聞。皇上以辰州教案。殊失自主之權。大不滿意於俞廉三。有調直隸護撫吳方伯重熹。升補湖南巡撫之說。

◎議設巡撫續聞。直隸添設巡撫。經軍機大臣政務處公同會議。頗有以增置為非者。嗣經某相以國初時直隸舊設巡撫。康熙朝時始經裁去。今北洋大臣事繁責重。於地方一切事宜。未遑兼顧。添設巡撫。

實屬因時制宜。無碍祖制。而後其議遂定。並聞侯奏請俞允復巡撫則久駐保陽云。按國初直隸督撫併設。又另有順天巡撫。自釐拜正法後。始將保定順天兩撫議裁也。

◎王相責言。日前王相在外務部散班之時。忽有某司官呈遞東三省與俄人交涉之某案。王相覽之不覺作色。痛斥奉天將軍昏瞶不置。

◎報效鐵路。順和園擬開一長路。直達西華門。以便游幸之行。議章尚未定准。而已有謀充此項報效者。華人則有某疆臣。洋人則有某教士。現在兩人各施手段。以逞異能。

◎奏請開缺。傳聞奉天將軍增祺以近者東三省交涉日繁。自問不能勝任。且徵收賠款。事事棘手。故已具疏入奏。自請開缺。兩宮亦俯察其情。已允所請云。

◎撤差之由。盛宮保丁憂開去侍郎實缺。則可。開去商務大臣則令人滋疑。聞實由某督有無數電奏。請乘其丁艱盡撤其要差。收其利權云云。而政府中不滿意於盛者近頗多。故有此舉。

◎俄法抗議。聞新訂進口稅則。業於本年七月二十六日。由各國專員或領事在滬簽押。一面電奏本國政府批准。再行知照中國。茲悉此項簽押。除英美和比意大利諸國各駐京使臣均奉有各本國批准明文照會中國查照外。其中有俄法兩國。以新訂稅則。須再與商約大臣酌加增刪平允。方可作為實據云。

◎電報軍情。軍機處二十一日得廣西巡撫王之春電云。桂省除梧州桂林平樂三府之外。幾無乾淨之士。推原其故。皆因本年荒歉。殊甚。民不聊生。希圖蠢動。目下惟有竭力設法輯撫而已云云。

◎商部設官續聞 商務部設官前已詳誌茲又聞瞿鴻禨氏辭商部尚書之命外間相傳有將改呂尚書盛宮保二氏升任之說至朝廷則尚屬意瞿氏云

又聞侍郎則以張翼實授此已有定見者當萬不致改移

又聞外務部堂屬云商部設官悉照外務部舊例殊不成事只許該部設一尚書一侍郎其餘司員數人而已

又聞連日各國公使處已有人黃緣求商部司員者各公使以商務任重不宜專在京官調充應在外省遴選各熟悉商務人員以充之政府答言敝國京外懸絕不能混融云

◎晉撫暫緩赴任之故 頃聞山西巡撫丁振鐸行將赴任法國駐北京公使賈斯氏挽留俟山西教案賠款辦妥指有的款之後再行啓程丁氏當答以某年老本不欲做官因奉朝命巡撫山西不敢不去若貴公使不欲其去某即不去亦可賈公聞使之笑而不言近日外務部相因此事頗覺為難云

◎圖報躊躇 王之春之出撫廣西也係法公使幹旋之力王曾密許到粵之後必以特別利益酬報近傳聞王擬將廣西省城至雲南邊界之鐵路給予法人開築又恐政府不允故心中甚為躊躇云

◎奉天近事 官場傳聞北京政府曾向俄使詰問退還奉天之期俄使答以奉天增軍帥原與旅順水師提督阿君訂有密約此事本大臣不得越俎干預云云故政府即咨問增軍帥而增支吾以對聞前日已請阿君赴省即為商議退還遼東一帶之事

◎續訂金礦條約 吉林將軍長順五月間曾與俄國訂立吉林金礦條約簽押之後始將約稿咨呈外

務部外部大臣以所訂之約利權旁落欲奏請勒令長順將約作廢長聞之大懼即遣私人携款十萬入京賄營幹旋始得不予深究惟飭令續訂數款以圖補救耳續訂之約近者亦已訂定

◎閩漢鐵路 北京某員創辦閩漢鐵路清英日本三國合資聞由日本某富商到倫敦組織而成其資本擬集三十兆清商十兆英商十兆如清商資本不敷十兆之數則由英商補足再如清商無人出資則歸英商二十兆日本十兆此事乃英日聯盟之後商務中之第一交際聞英與日本兩國事在必成清國商人能湊足十兆之數乃可利益均沾否則徒日言利為外人所奪何益哉

◎俄擾西藏 外務部頃據西藏辦事大臣稟稱俄人近在該處屢行種種險險手段如宰籠土人侵佔要地等事聞慶親王已照會俄公使力拒俄人移往西藏矣

◎鐵路借款 據英國某報所載中國鐵路公司已向道勝銀行籌借四千萬佛郎為建造蘆漢由北京至漢口支路以及真定太原鐵道經費其契約與千八百九十八年該路向巴黎借款相同聞此番借款係出朝廷之意即以該路為質該款約明千九百零九年還清議定後此款應向法京巴黎并北京博拉士支取云

◎紀請款修陵事 據上海字林西報所言滿洲處俄羅斯勢力圍界線之內後來之結局如何此固有似此舉動不至為俄之奴隸牛馬不已噫中國至今日脂膏竭矣善款萬難尚以有用之款作無益之圖如修理皇陵一事需費至數百萬兩不知是何居心也按皇陵即在琿春附近為清朝發祥之地茲接琿

春來信謂暹春某都統曾於二年前奏請撥款三百萬為修理皇陵經費現又奏稱存款已罄所修理者不過三分之一懇再籌款以竟要工蓋因滿洲各屬利權已入俄人掌握如非朝廷撥款當地斷難籌集云云由此觀之恐滿洲發源之地將為俄人鯨吞蠶食無遺稍知國耻者當必幡然變計以修陵之資為練兵之費藉以固我疆圉以自立於世界也

◎進士肄業 日前某御史專摺條陳請將明年新科進士及前科正殿試之進士自此科為始均須發入大學堂肄業三年再行考試酌予出身量材授職此議動政府旋于初二日奉上諭曰儲才為當今急務迭經明降諭旨創辦學堂變通科舉現在學堂初設成材尚需時日科舉改試策論固異帖括空疏惟以言取人僅能得其大凡莫由察其精詣進士為入官之始尤應加意陶成用資器使著自明年會試為始凡一甲之授職修撰編修二三甲之庶吉士及部屬中書各員令入京師大學堂分門肄業其在堂肄業之一甲進士庶吉士必須領有卒業文憑始准送翰林院散館並將堂課分數于引見時排單內註明以備酌量錄用其未留館授職之主事分部並知縣銓選者仍照向章辦理如有因事告假及學未卒業者留俟下屆考試分部司員及內閣中書亦必須有卒業文憑始准留歸本衙門補用如因事告假及學未及格必俟補足年限課程始准作為學習期滿其即用知縣籤分到省亦必入各省課吏館學習由該督撫按時考核擇其優者立予序補其平常者仍留肄業再行酌量補用所有一切課程著責成管學大臣張百熙悉心核議具奏隨時認真經理期收實效云云

◎廢科之漸 聞吏禮二部中人云明年恩正兩科均有改選至丙午年舉行之說因太后意欲竟廢科

舉則恐擾亂天下士心不廢科舉又恐學堂學生不肯向學是以下一改選之令為廢科舉之發端未知確否又有一說本科舉人覆試不知如何忽排在會試以後未發會榜以前故有人以為不便力請改前云

○賄行萬壽 探得內廷消息謂甲辰年為太后七十萬壽太后念及庚子之亂及甲午年六十萬壽之形狀此次有不願舉行之說而奉宸苑各員及承辦萬壽各色人等皆願舉行萬壽慶典各以多金賄某內監故內監力勸太后仍以舉行萬壽俾天下臣民膾歡慶祝太后已經首允惟尚無明降懿旨云

○擬用金幣 聞政府諸公近議創設國家銀行並用金幣意見皆同行將請旨施行云

○謠言有因 己亥立嗣之舉原起因于一替侍郎豫師與崇綺徐桐高廣恩王龍文曾廉郭宗熙蕭榮爵等倡議修葺南橫街吳可讀故宅豫師題額曰吳柳堂先生故宅終日集議于宅中無非陰謀故革師載漪乘機作亂遂致中外矢和幾于宗社不保豫師等實係庚子禍首既不追究則若輩應如何圖報為是乃前月又有人聚議于吳氏故宅甚為秘密是否豫之黨人固不得而知無端之謠因而重起故南方各報及西報皆紛紛登錄聞十月十五日又有聚議于吳宅不知所議何事也

○奏除錮毒 有某御史條奏整飭官方一摺內一條云方今庶務待興在事人員非有精神不能自作為洋烟之銷耗精神甚於女色不但傷財已也且使志隨心灰永無發奮作強之氣今欲變法自強非首禁官員吸食洋烟不可擬請明降諭旨凡在官人員自王公軍機下至末入流凡夙吸食洋烟者京城限限三日內各省按遠近遞加一待赴該管衙門報明年歲若年在七十歲以上者限半年斷淨五十歲至

七十歲者限三個月斷淨五十歲以下者限一個月斷淨倘逾限仍吸者查出革職各防營之兵丁及在官之書吏差役等統限一個月斷淨違則開革候補候選人員凡吸烟者雖到班亦不得補缺游幕人員及各局所委員亦照上項日限斷淨違則撤差該管上司於屬員逾限仍吸瞻徇不報者同科失查者降三級調用等語

張督狼狽 鄂督張之洞奉調署江督之命便先創辦五省大學堂興高采烈號令赫赫及聞魏光燾調補江督且催行甚促張又無回任及來京之下文抑鬱成疾其兄之淵氏之子名檢者述及張公近日私電行將引疾而退張公之疾即鬱氣傷肝也老年失意亦殊可憐噫張公亦太熱中矣近日之無明文必因魏公尚未到任惟將來回任兩湖與否尚未可知其狼狽情形自可想見耳

推廣工藝 近聞政務處某公以工藝為當今急務京城所設工藝局成效昭然擬通飭各省府廳州縣一律舉辦凡有中小學堂之處均附設工藝學堂工藝局各一區各就土宜講求製造以為工藝改良馴致富強之起點聞已妥議辦法不日即擬請旨施行云

請設軍械廠 探聞近有某尚書奏請速在山陝四川等省設立軍械廠招募工人厚給薪水優加保獎以興製造凡南北各省所需軍械皆向各該廠訂造摺中並云即使無庚子條約禁止軍裝入口我國軍械亦不可仰給於人云云

英藏交涉 探聞前月駐藏辦事大臣有電致政府畧謂英國駐藏領事承其印度總督之意因藏印界務與藏中糾葛事緣舊定界牌中有一段為藏人拔去英人起而向藏人責難藏人恃與俄密大有蔑視英國之意英人憤不能平竊恐因此生釁特電請代表指示機宜等因刻聞仍飭駐藏大臣開導藏人并令在彼襄辦交涉之稅司某與英領事和平議結并一面由外務部照會英使云

商部定議 議設商部已誌前報年內為日無多將於明年議章開辦政府之意注重理財習聞外人以商富國之說故決行此議

招商合辦 中國招商輪船公司立有年所近日傳聞有英人馬佐華氏擬借某國資本與中國合辦均分其利刻已與中國政府商議聞政府尚無定見云

密函摘發 聞八月間某侍郎接到陝西樊某司增祥密書各曰為宋伯魯事各報紙橫議足見逆黨猶盛此一時毀譽不足計較欲正千載之名仍應於大處落墨惟竊上座自歸京以來志得意滿宗旨漸變粗於目前忘其毒矣祥所慮豈為一身前輩猶記雙桂西軒之談謂外人必不預我事已不出祥所

料庚子之變其咎不在吾謀今上座獲眷更隆內外帖服不於此時力爭上流萬一事機轉變吾輩身名俱敗猶是小事上座將何以對崇文忠子祥夏間兩票上座備陳危機寓書賜答皆未及此乞前輩便中痛陳云云侍郎以原函呈某相某相答閱微笑擲還不作一語復以他言亂之侍郎未敢再問嗣其所親向人偶述如此

改設內務部 皇太后近擬將內閣改為內務部設官照外務部之例在各部調選熟悉新政之郎中員外主事為司員以軍機大臣為領袖即以小軍機為內班參謀司員為外班參謀云

紀將弁學堂 北京將弁學堂已於保定府設立學員多由衣軍各員抽選其實缺參游以下各員有

不諳操法者亦准其自呈履歷保送入堂肄業捐納文職同通以下如願肄業者亦准入堂學員額設一百人學期以八個月為一班每月給津貼銀四兩以為膏仗之資頭班約明年二三月即可開學云

○將設學部 都中將添設一學部該部尚書將派張治秋大家宰不日可見上諭云

○特科消息 特科已有明諭在明年四月舉行日前政府中人又言須至明年八月及後年二月舉行均在未定惟所考諸員擬上等等者分外務部中等三等者均入內務部云

○練兵條陳續聞 榮中堂前者奏請添募新軍三萬人訓練洋操護衛畿體等情已紀前報茲聞中堂嗣又上一摺大意謂第一新募之兵以警備兩宮皇居為至要除老疾病事故外均令終身服役第二新募之兵以訓練洋操專挑選誠實忠正之士其兵營需費酌籌的款以應支辦第三練習新募之兵聘

用外國將校不可偏倚一國擬請招聘俄國少佐大尉各一人日本中佐少尉各一人德國少佐中尉各一人第四新募之兵作為守備兵無論何省遇有亂事均可由督撫奏請隨時派赴亂地以資鎮懾

○誌招商局 朝廷整頓電報局並撥款收還商股煌煌殊論已見邸抄聞政府近並欲將招商輪船公司一切商股悉行發款購回改為中國公家產業不日當見明諭並有每股原係百金照數發給其股票無論漲至若干概不增加云相傳如此未知確否

○力詆學堂 袁慰帥到京召見數次聞其面奏時力詆大學堂謂學堂所用人員多主民權自由學說將來以此教導學生其勢大張為禍必甚於戊戌又謂學堂有改裝易服之說云云其實張尚書祇因長袍闊袖不便體操擬製操衣發給學生並經電致南皮張宮保訪求式樣上月十八日開學致祀孔聖張

尚書曾諭令辦事人員各備朝服嗣因不可必得乃改為補掛花衣虔謹將事可見改裝之說實屬虛誕至民權自由學說近人每多誤解聞學堂人員亦無主持者云

○馬賊猖獗 深聞近日奉天將軍會同黑龍江吉林兩省將軍有密奏到京據稱距盛京北約六百里地方名桐溝者山谷紆曲林木茂密形勢極為險要有著名盜賊韓邦富者招聚亡命窟穴其中應為地方之害刻下該盜聚集馬賊乘匪至十餘萬人四出擄掠于溝內建築石寨密布炮壘為據據之計并僭號大韓自鑄大小銀元面文曰光武二年形迹頗為悖逆地方文武無敢往捕該將軍等恐成鉅患故具摺密陳請旨辦理現聞兩宮之意擬與袁宮保商議以定勒撫之計云

○中俄新約紀聞 據東報云駐北京俄公使近向外務部要求改訂中俄通商條約以圖中俄兩國陸路商務之發達業與王慶石中堂商議一是茲揭其所議條款如左

第一款 盛京吉林黑龍江三省所需槍砲彈藥及一切軍械由陸地俄領輸入者須課入口稅

第二款 在張家口設一製造廠以造今後中俄協同築造鐵路所需各種材料

第三款 在哈爾濱設一礦務局辦理中俄協同開採吉黑兩省各礦一切事宜

第四款 凡經過西伯利亞而輸入清國內地之俄國貨物及由清國陸路輸出俄領之貨物未列諸特別章程者皆不課稅

第五款 前定條款除中俄兩國外不得使他國均霑此利又中俄兩國當扼要分設通商監察局稽查經過各種貨物

第六款 中國應在奉天哈爾濱哈巴羅夫喀及張家口四處各劃地段百萬坪每一坪日尺六尺對方以內租與俄國為專管租界。

○俄人要求 英京電云路透局得北京電稱俄國現向中國政府要求允准俄人在滿洲各處創設稅關郵局聲言此項稅關與中國之海關無損云云

○歸政消息 近聞太后凡召見軍機諸大臣皆言中國近來百事頹敗綱紀尤甚須不論事之大小急速整理若幸得於來年萬事就緒予亦可有所決大臣等因思太后所云大約係指明年萬壽節後歸政於皇上之事而言

○擬廢科舉 聞袁慰庭宮保以科舉不足得人才反為學堂之障礙故南下時即與張孝達宮保商議奏停意見皆同回京即商諸政府諸公業經允准聞將來即由袁岑張三督出奏大約明年會試後即當停止云

○刊發新政 日前各部院衙門接到政務處傳單內稱所有各衙門條奏摺件除應行慎密要件外凡有關於內政外交暨變通舊制舉行新法者自辛丑正月為始一律檢齊鈔交政務處選擇刊發嗣後永遠循照辦理云云聞政務處并擬奏設官報處一所專刊印以上各項摺件公牘或按日按旬出報俾朝廷行政制法之大端可家喻而戶曉云

○籌議大學 管學大臣以奉明年新進士入學堂之諭旨商議辦法緣明年新進士三百餘人再明年一科已七百餘人擬暫借喇嘛寺開辦仍無此寬敞之寺不得不加緊興工另建學堂而新進士入學之

事又不能久延甚費籌畫大約不能不另建也

○奏參大學 張宮保近奏參大學堂軍機以其言多不實僅交張管學明白回奏管學以張之洞身處京外不知京中辦事情形臆斷之詞固未足憑而傳聞之訛亦未能如京中親見者確實謹將歷來所辦實情詳行奏復並謂一舉一動均先稟命政府而行管學並未敢擅專云云聞此事政府亦深知其底蘊故不致為所搖動云

○歸心于俄 直督袁慰帥前向俄國索還大沽船島交收既畢即電告政府畧謂船島業已交還毫無毀損云云某中堂聞之向軍機處諸大臣盛稱俄國邦交可恃謂畢竟不失大國舉動云

○商局搖動 電報局現改歸官辦某西人託其駐京公使向外務部關說入資本改為華洋合辦外務部心知不可不敢與辦現真不覆蓋西人在中國謀利之法無孔不入此次欲將華人現成之商業用勢攙入尤為十分無理者

又聞盛宮保有密電致政府某公畧謂中國商務以輪電兩局為根本電局既奉諭收回上海商情大為震動若非戶部速撥銀三百萬以供收購恐股票盡落外人之手別生枝節此答宣懷不能擔任云云又聞某八國以中國四百五十兆賠款籌給為難而政府又有電局改歸官辦之事故已商同公向外務部要索謂如以中國內地電報歸彼八國管轄可折洋款二百兆不然則四百五十兆之償期亦不能候至數十年之久云云外務部因此頗費躊躇尚未作覆

○總轄兵權 皇太后有擬命鄂督張少保入京授以北洋大臣之職而直督一缺仍令袁慰帥任之又

風聞太后嘗謂今後東三省及山東省一帶交涉事件日繁而練兵一事亦屬最急之圖欲令袁慰帥總轄全國兵馬大權而別使榮相為之節制未稔確否

○樞眷中衰 盛宣懷丁憂後一切要差盡行撤去其原因係張之洞交卸鄂督時虧空過二千萬電向盛借三百萬兩盛覆電云有心無力張極漸憤因電致政府極言盛之不可委任宜乘其丁憂盡行撤差諸樞臣均極謂然惟聞慶王尚袒盛云

○紀醫學堂 政府議設醫學堂刻已議定將北京舊有之醫學堂合併官醫局開辦延聘日本教習教授中西醫學以後行醫須由該學堂卒業領有文憑方准出而問世以免庸醫殺人議撥內帑萬金再由各省督撫籌集二萬派張尚書為督辦以陸總憲副之

○議設郵部 傳聞袁慰帥近建議設立郵政部仿效日本遞信省之法則擬設尚書一員管理各省郵政事務改良郵政章程聞政府甚是其議

○委派練軍 北洋招練新軍聞議調現出使德國之蔭昌星使為全軍翼長以政務處總辦銜侍郎良副之先調河南山西山東諸省將弁入保定將弁學堂肄業以便畢業後回省各自教練一面復於各省中挑選練兵一千之數在直隸練習洋操以歸一律

○同文設學 京師舊有同文館後改隸於大學堂今管學大臣奏派五品京堂曹廣銓為總辦曾為惠敏公子深通英文極有時譽此舉可謂得人

○商裁漕督 漕督陳夔龍奏言今北衛已裁漕務無事漕督一缺應否裁撤請付軍機處政務處會議

○陝臬密書 陝臬樊增祥致書都中某官言為宋伯魯事罵之者眾足見逆黨黨羽猶盛深詬某相廢立之謀中止優游不斷恐以貽禍某官以諗某相某相一笑真之云

○參劾陝臬 有陝人某侍御者奏劾陝西臬司樊增祥摺中畧謂樊顯違定章援引謬種如本年該省鄉試其對某房官云制藝取士雖真才無多尚不失為端人策論取士則禮義廉恥薄然無存即如我等皆係八股出身又何嘗不能為國家辦事云云又牌示士子云文中不准引用後世事通不許論議朝政不得沾染報紙文字習氣違者雖佳作亦不發房等語與考士子見此牌示與奏定科場新章多不相符合聞詳然有志之士皆擱筆交遞白卷亦有不入二場者皆因樊之頑固不化開塞通才大違定章再如

闕中學堂於屠梅君則聘之宏通學堂於劉古愚則却之引用謬輩無非陰行其塞絕之謀若惟恐其開化之速也者若不嚴行飭革何以能得人才共扶沾危之局摺上皇太后有將樊撤任之意後經某相力保摺遂留中

○蒙汗報効 青海二十九旗伊犁十三旗杜爾伯特突爾扈特二十旗皆在外蒙古四十八旗之外與俄國毗連西甯辦事大臣於庚子亂後奉命就蒙地籌款並賠償各商業各教務之款此家十萬彼家數十萬各蒙古可汗無不應命聞所籌者多報銷者少陸續匯至北京已有百萬云

○墾務棘手 侍郎貽穀督辦墾務原欲在內蒙古之西部烏蓋察布盟依克招盟地方先行辦理緣該地與俄毗連庚子亂後各地多歸俄人掌握或歸教民收租此時驟歸官辦恐難就緒貽穀現擬回張家口先行試辦云

中國近事 四十六

◎設關不成。政府議在青泥窪設關收稅。俄人堅執不認。德人亦欲援例告政府應照青泥窪辦法。撤去青島海關。德俄二國外交近甚棘手。擬請英日為之調停云。

◎俄營錦州。俄國擬在錦州開民政衙門。更擬開野戰郵便電信局。已將此事照會中國政府。

